

介休縣志

六

介休縣志卷十

孝義

孝可作忠義以維節二者具而綱常立焉今

天子以義制事以孝治天下負氣含生罔不興起介邑

密邇

帝京響應彌捷而薦紳學士互相勸勉尤以不為孝子

義士深恥則風俗人心尚敦古處亦可想見矣志孝

明

知介休縣事山陰王謀文纂修



楊智少喪母哀毀骨立三年未嘗見齒後居父喪廬墓三年有白兔馴擾其側人謂孝感正統十一年旌侯曉三統六年歲饑出粟一千五百斛奏聞予冠帶至成化年間其孫銳復捐六百金賑饑亦予冠帶三琦率生母喪廬墓三年讀書其中時有橫軍作亂入其廬視之圖書而外別無長物嘆曰孝子也去之登景泰庚午鄉薦官陝西肅府審理王廷損之子父疾病延禱天求代又詣城隍廟割股進之父尋愈有司聞之免其終役

梁晟張原里人正德六年歲歉與西北坊董澄各出米

八百石以賑詔給冠帶榮之

宋鴻漸天性孝友恬淡自適數世同慶家無私蓄閭黨咸謂有張公藝之風邑令畢元祉嘗延為西席五六載一無請托畢公贈句云霽月光風品青天白日心武奮孝隆慶丁卯舉人仕鞏昌府通判萬歷二十六年知縣史記事築石同新渠或謂有功水利甚大慨然捐金助修懸樓史公亦加西河水四十畝以償其德董時習性誠樸好施予嘗於城南安戶村東捐地十畝為義塚凡死而無歸者即給棺殮之時費村庠生侯旬亦於所居村東捐地一區為義塚

梁遇志鴻臚寺序班生平好義萬歷戊戌己亥連歲大
饑遇志先後出粟一百三十石以賑濟詔旌其門曰
敦仁尚義一時同出粟者王道成八十石李榮春六
十五張汝桐五十石張可訓張聖訓各三十石皆太
學生而張主簿可敬蔭叅軍天衢亦各輸粟三十石
復有樂輸五十石者則王應明梁士憲梁廷輔張士
元張九叙樂輸四十石者則張士魁若主簿宋行簡
亭長李應元太學生孟時崇庠生宋一儒則捐金二
十兩者也以上十七人皆妻聞予冠帶給匾不旌有
差

李英後父天贊得狂疾入井死英後時方灌園奔採不
及隨投井中俱死天啓七年監司宋某榜其門曰死
報昊天

宋朝用直穀遷安縣縣丞貨殖于外拾遺金五百卽白
于官訪還之客願分其半固辭弗受又遇客於某地
寄物值千金適寇至失散不知存亡朝用訪之二年
得其僕還之時人莫不高其義

李初菴字豐芳與弟初葵俱庠生兄弟孝友取與不苟
里中有延初茂爲子師者鬻地十金爲贖謂其徒曰
聞汝止此數十畝地亦足矣而鬻之使汝毋無

養我心何安整却之而後就館讀書窮理尤精于易
邑令何騰蛟雅重之巡按御史祝嶽贊爲真儒

國朝

孟子後康膳生疾病久臥床第時順治六年大兵討姜
逆餘黨結營於卒武堡旁其弟誤燃炮火法當死子
俊聞之卽躍起曰吾已成廢疾雖生何益弟在尚可
理家事叩營門請代大帥養之弟得未減歸子俊病
亦尋愈

張芑字介鼎生二歲父客死于外六歲奉母避亂孤苦
異常比長遠涉吳越遍訪父死所數年而後得之卽

徒步負骸而歸享母孝敬備至及母喪哀毀骨立旣
葬結廬基旁飲食必奠啜粥三年遠近咸以孝稱之
張應亮明御史異裔孫字聖心優貢生霍村人幼事祖
父俱以孝聞兄弟七人同居立家規十六則復立農
正工正分司其事凡祭祀婚嫁宴會醜遺皆有度數
家人千指奉命唯謹人稱義門魁至率衆禦侮復捐
金築堡鄉人賴之後仕叅城訓導

靳士龍父世受順治二年偕里人高汝才入山樵採以
小念爲汝才斃死母任氏方娠冀一生男隱忍未發
已而生士龍喜甚而杜育之旣長爲言父死狀

母子相對泣下士龍喘指誓必報願以母在中止後
母在既營葬乃曰復以仇償母忘此其時矣因持從
出要於於路擊殺之語人曰數十年不共之讎今
日始復遂詣縣自首聞黨或欲訟其事士龍曰死吾
命也何喋喋焉卒死于獄邑人莫不哀之

劉世昌字寰之北里村人弱冠爲諸生有名旣而遊六
學考選州同知不就而歸家故素封樂於施予康熙
庚子年丑間比歲荒歉先後出粟三千石銀二千餘
兩以濟使貧乏不致流徙所居之堡隣澗河時罹水
患捐貲六百金導之成渠旣不爲災復資灌漑鄉人

至今利之郡直邑重修葺多有功子八人皆能自樹
立諸孫科名雀起人以其爲善之報也

郝顯智字寧字內閣中書世藩之祖生平不欺暗室嘗
客遊於外一日卽次壽陽于卧處拾遺金一囊約五
六百兩守之待旦且托官染疾不行次日遺金者倉
皇至問之符合卽還之封識宛然不告姓名而去

王國璽字皇符席遊里人父母沒諸父已析居國璽遊
聞數年積數千金歸見諸父旣貧卽迎之同居衣食
如一嘗于逆旅得遺金急遺之又平陽趙某寄銀
百兩趙旣客死

之
武得元一第以取斯入去湯築朝夕同卧起既而病
益意醫言謂心得人指可愈得元即斷一指燃及進
之元果尋愈知縣李壽彭聞之榜其門曰至行可風
曹建經字五九侯選主簿鹽場村人所居濱汾河時虞
水溢建經出粟募眾築堤自平遙魏樂村至邑之西
六期高七八尺寬一丈五尺屹然如長城數村之民
皆賴之而田村員外郎喬甲第亦捐二百金築堤防
俾一村不受水患

董協軍字符載邑庠生旋遊太學有文譽性好義樂施
予時康熙五十九年歲大穰卽出米百五十斛躬自
煮粥以食饑者而米價日翔貴其從兄廣文協徵乃
罄倉庫減價出糶不足則又市諸隣邑以繼之所入
之價約五百金而贏復散諸貧乏嗚呼董氏兄弟可
謂饑由已饑矣一時重其高義咸相效拯濟若梁明
府通洛出金三百粟半之張茂才文湛粟百石金倍
之李廣文之楨金百粟百而出金三百者則別駕喬
士多二百者則參軍溫冲玉出粟百石者則董硯靜
董硯壽兩茂才八十石者則主簿張恭讓曹國祥七
十石者則黃生家金

趙明進數人之財成五百七十之多以為周恤於是
野無饑饉民不流離時高宗宋相國勤父泣邑皆曰
三嘉獎尋奏

明優叙

張國珍應苑子字乾修歲貢生性至孝幼喪母比長父
及哀毀幾絕事繼母色養備至同胞三昆弟並登古
稀同居友愛無間教育諸子俱列膠庠歲饑出粟賑
濟貧不能完貢賦者即代償之獨修霍村堡百十餘
丈所著有詩數卷易書評解四柏齋文集後仕太原
府訓導卒於官

東建功邑庠生少失父母親愛族黨家不甚豐割已直
八畝為義田每歲所入以濟族人之貧乏者

喬迎義字敬然少孤事母曲盡誠敬家故貧寒殮必精
潔母年餘八十迎養亦既老問視弗懈知縣李壽彭
聞之旌其門曰克盡孝敬

曹貴章字漢三附貢生善事親母年八十兩目既失明
貴章博求良醫治之復視始其母三年雙眸復明母
壽至九十三人以為孝養所致

郭恒姝義安村人天性純篤父病嘗養以驗甘苦既喪
水漿不入口以形存母喪亦如之

思良猶素流涕終日不言後以費貢生任右三訓導
學道進中書建等倫

母畏蠅入夜必親搜剔身偶染疾母即祝曰母享我
孝子共相感如此生平敦行誼為鄉里所重

日馨美字芳遠國學生少孤孝養其母母失明立古扶
持門寒煥察喜怒不離頃刻者二十餘年從兄垂死
以孤子托曰卽我子也育之使成立其撫弟氏遺女
亦如此

張廷藩字容軒歲貢生童年喪母哀毀過人事繼母得

歡心父母兄弟咸稱其孝及父母相繼歿不飲酒不
茹葷廬墓三年尤篤於同氣白首不析髮後授朔平
府訓導卒乾隆二十三年旌

宋邦如字際雍雍正丙午孝廉幼失怙恃育于嫂郭氏
事嫂如事母每有疾卽侍湯藥維謹俟愈始安及嫂
亡哭泣盡哀期年不宿于內建家廟春秋祭奠及忌
辰輒泣然流涕以爲不遘事父母也

劉洪澤世昌長子字汝霖候補員外郎少有志概康熙
六十一年西陲未靖思立功自効運米三百二十石
赴軍營歸途聞

以不得覲舍殮號高罔極遂終身事母不願仕進鄉人言以貧或鬻其書代還其值令復聚雍正乙卯歲數燬毀三百兩以濟全活其治

董深字鑒澄妻趙氏生二子居中居正而趙亡深年方二十四不再娶至八旬壽終居中亦能以孝事其父生死盡禮祭之日卽歲遠如初喪也

梁洲通洛長子字東山筮仕授廣靈訓導聞父病卽棄官疾歸上官閱其孝不之間父沒廬墓三年後仕山東齊東令多惠政

張國漢字強修庠生君父喪不茹葷不飲酒寢苦者三年母歿亦然兄病親調湯藥晨夕不倦歲饑恒出粟以贖長子正仁亦庠生能以孝友世其家

張正任國珍子字廷衡雍正丙午登鄉薦至性過人居父喪哀毀骨立廬墓三年母喪亦如之生平留心掌故在京邸講喪祭二禮方靈臯先生嘆謂得漢儒精意後授定州司馬以辦差勞動致疾聞兄亡轉劇竟卒於官所著有勉應集警躬草史議數十卷

張鉅字荆輝性義俠幼時見隣家賊不能起卽典衣濟之父沒之日取貧人巷悉焚之曰無傷先人之德既長入太學再試不第

金三百兩既盡或欲白諸官曰是所謂楚王遺弓楚人得之又何求焉人無不稱焉是首子蘭芳乾隆庚午舉於鄉歲順天五各令始書戒之曰寧為廉吏而貧毋為墨吏而富苟受其教有賢聲

范斌馨三拔長子字梅谷邑庠生昆孝皆歷顯官斌馨獨以琴書自娛不樂仕進而性仁愛不吝推解雍正十一年歲饑卽出白金二千賑濟里中無不德之

王烈字續先父爾棟娶李氏以厚查置產出烈數年而卒繼娶馮氏生然父以烈母故遺命二子分產烈宜多三百金書一紙付之烈終身不言亦不折變比烈

將死出其父書示子侄曰余不忍獨擁厚貲猶慮汝曹之手也取火焚之嘗有盜夜入其室被獲則隣人也釋之與以乘勸令自新隣戚泣而去事繼母亦以孝稱

宋君錫字錫侯國學生少孤事母惟恐不得歡心季父沒撫其孤育之視如同胞共食息者四十餘年里黨咸以孝友稱之

張星繡字成文國學生七歲喪父哀慟如成人事母備極色養母病思飲蜂房乳泉泉在綿山中路既險且遠星繡躬往汲歸懸壺天告之曰我身何惜惟病

母恩此水耳虎追視之耳去人以為孝感伯兄梁
適疾之臥未轉星精三端療治以慰母心及母死既
葬仍啜粥廬墓三年六月伯朱公聞之旌其廬曰鄉
推六行

宋知隱字仲默州同知張良村人幼失怙事母以孝聞
有愛妾偶忤母意即出之母病衣不解帶止沒廬墓
三年後竟以哀毀卒邑廣文李生棟監碑表其廬

梁浩字瀚川邑庠生幼失父事孀母晨夕維謹家貧雖
救水之養必得歡心及母喪毀粥三年中歲喪偶終
身不復娶人皆以孝義歸之

三斯張字觀德布政司理問年十六父病告天願以身
代及父歿哀毀骨立旁觀莫不稱其孝自任家政易
昆季以功名雖千金不容其用既而仲弟斯發成武
進士為參將乃曰斯可以慰吾父母于地下矣
孟培烈字國香國學生事母有至性嘗繪娛親圖十二
幅備極色養之方邑人刺史董榮贈詩有看君新畫
冊重見老萊心之句

梁鏞字季宣仕沔縣大安亭長以好義聞鄉里昆陵將
姓者驚醫於介與之善居數年將病且死既殯啓遺
囊金尚數百金而鏞猶使旁觀不得觀視既又知

其家無奔喪者復領遺金挈其柩跋涉三千餘里送
還里所將妻子羅拜無德色不受一錢而歸昆陵入
墓之禮集歌詩作卹思錄

馬淑謏字玉音國學生弟既卒撫其孤育之俾成立迄
今三世共變人皆義之

常道通字貫融國學生自明季至今已六世食指既繁
仍同君如昔道通爲家蓄衣食必均耕讀專一人稱

義門

張恭友字三益車生生平勇于爲義乾隆十一年邑中
議建史公塔曰明季史公有功於邑不少我先代昔

蒙其澤義當誌德不朽卽慨然捐千金創之

羅贊字景陸歲貢生自幼失怙篤于事母伯兄早卒撫
遺孤教育之一如已出所授生徒不責束修亦不專

求文藝惟以行誼爲重一時有蘇湖弟子之稱

溫餽國學生曹楷村人性好義尤急公乾隆己卯之艾
捐銀四百兩賑濟而村中歲立戶長應推科之役旣
不得力因復無以事畜人皆畏避之餽捐金市田十
餘畝以贖之所入充戶長費斧鄉人莫不德之時段
宅韓維翰做此意亦捐銀五十兩生息贖資戶長之
用

楊紹宗邑進士少喪母哀毀幾不致生未幾父續娶紹宗事之如所生規約弟最孝愛衣食恒讓其自甘粗糲時親不拜其薦異母弟也父母在日每稱為孝子時奉邑進士家貧少孤事母教水承歡以孝稱鄉黨誓妹遭脫輻時奉養之終身病輒親視湯藥恐他人不盡心也

樊問哲國學生少喪父事母最孝定省無間寒暑母年已耄盡色養弗衰事兄甚敬不命之坐不敢坐鄉人或以孝文稱之

宋文元字殿一國學生幼喪母事繼母得其歡心父卒哀毀骨立家業遭伯兄好騎射蕩折大半元既死將析爨其姪永自請薄分其產文元曰我豈忍自擁厚賞耶卒分其半族黨兩義之

李恒喬字敷英州同知上站村人村隣沙河時罹水厄恒喬捐地數畝鑿深之水至即萃於斯至今利之而下庄村庠生董硯壽亦墾地十餘畝以洩東石河水患復有李正明市地鑿西北坊水渠守禦所千戶郭拔築鸞鷲泉水提霍村州同知張正信義安村參軍

郭天立張蘭琪庠生黃永耀南辛武國學生田玉侯大期村宋自江武備地備此皆惠及同井而亦王

政除違戾與之遠意也

馬其祖雖被難與之子字絳揮仕浙江嘉興府太守世

君張聞重義多推解嘗曰我祖父世受

國恩必當場履以報乾隆戈辰金川之役以二萬金助

餉首倡於是其弟永北太守淇珣出萬金州別駕洪

瑛出千金諸子輩若比部郎中楠二萬龍安太守權

一萬長史禮一萬二千贊府豐八十州同知楫一千

主簿心輝三千或踴躍爭先以助凡八萬五千而北

里村劉氏昆季州司馬洪莊一萬五千州同知洪教

洪寬各三千七百從子州少府淑楷孝康光楷各三

千八百共三萬金田村喬氏工部員外郎甲第一千

永州太守士五四千別駕凌霄凌漢各出二千五百

金外此而富室樂輸者如州司馬鄭恒熙一萬二千

州同知李實羅構各萬金揭八千者則州司馬鄭正

璋揭六千者則州同知李文才揭四千者則州司馬

李文輝而贊府高擢十戶張王政各揭三千光祿寺

署正張紹翼進士張新政主簿曹意棟各揭二千若

州少府羅斌主簿羅銘翰林待詔侯國新州同知宋

賓穆觀察使王煥如州少府梁本樸主簿張輝州少

府劉開基守備張祥千戶楊正典茂貢生羅賢主

薄宋懷其州少府任煥章等皆以千金助共二十萬
雖曰一官道蔽而急公盡

上之誠亦可概見矣

聞

詔晉秩有差

郭正遠字贊臣西城指揮使義安村人家固素封性亦

慷慨聞黨之貧乏者無不賴之乾隆己卯庚辰間連

歲不登民多菜色正遠乃與從弟理問鎮興鎮琳州

同知鎮廣鎮珮出金四千粟六百自冬及春按日分

給至麥秋而止全活數千人于是比村相做出粟千

石者州同知劉洪教出金八百者州司馬李實七百

金者太守劉昌基三百金者州同知馬楫別駕喬凌

霄一百六十金者貢生張策得六十金者國學生張

正遠三十金者理問張仁政二十金者庠生王世卿

而國學生田玉侯則出米八十石田育文則出米四

十石復有樂於出粟者如理問梁尚榮五十石州同

知宋賓穆六十石國學生羅藥庠生宋懷棠千戶羅

業書三十石若國學生薛有煥李正明集家釀金一

則一千六百一則五百皆散諸比閭之凍餒者由是

民無死亡之慮相感其厚之由也噫觀於此而知疾

病扶持親睦鄉黨之古風不猶存於介邑乎

張聖訓進士新政之長子字佩伊布政司參軍好吟咏

工篆隸起在之日善承色笑朝夕詩花裁竹以供歡

娛乾隆三十年大中丞彭公檄晉中繕修城郭聖訓

即捐千金助之奏

聞優叙謁選可進用而志恬退所居別業有靜觀佳興

二園典昆弟終日盤桓藥欄以娛晚景焉時協助城

工者主簿張燦千戶張三政指揮使鄭正璋運問梁

向紫州司馬李瑞州少府侯為龍皆千金若太守李

日麗則一千二百州同知李實則八百太學生張大

筠則七百貢生閻錫則四百別駕喬凌雲明經羅模

皆五百而出金三百者則太守劉昌基主簿羅銘州

同知郭寧國學生張生玉皆奉

詔晉秩更有儒士羅世珠助金一千五百亦

優詔予其七品冠帶

張正煥字燦如邑庠生性至孝事親色養備至母病久

臥床第湯藥必躬親衣不解帶者一載有餘前後兩

執親喪並絕葷酒既葬朝夕至墓所號泣三年未嘗

見齒伯兄早卒撫侄如子鄉黨咸以孝友稱之

寓賢

宇內苟有名區必爲達士高人羈留之所後人憑弔
於斯亦低迴留之不能去芳踪之不可泯沒也久矣
郡乘舊刻之推爲綿上流寓前人多有辨之者今已
入人物志無庸互載他若餘韻流風猶存勝地其能
不錄之以光簡策耶志寓賢

周

高整齊高止之子景王元年奔晉晉人城綿而寘旗

卜商衛人

田子方魏人

段干木芮城人 按子夏設教西河子方干木皆踵門
 師事同於陽志列為高賢綿上亦西河境也皆為三
 賢皆思之鄉則仙臺村建三賢祠已久是猶夫子迴
 車處而立廟以祀耳舊志未載今補之

漢

徐穉字孺子豫章南昌人林宗有母憂穉往弔之置生
 芻一束於廬前而去家怪不知其故林宗曰此必南
 州高士徐孺子也詩不云乎生芻一束其人如玉吾
 無德以堪之

蔡邕字伯喈陳留人

盧植字子幹范陽人

馬日磾字翁叔融族孫扶風人郭林宗沒三人咸來奔
 喪服心喪期年 見水經注

唐

尉遲恭字敬德朔州善陽人隋大業末從軍高陽積闕

為朝散大夫劉武周以為偏將與宋金剛南侵得晉
 濟等州襲破永安王孝基救獨孤懷恩等武德二年
 金剛敗敬德合餘家守介休秦王遣諭之乃與尋相
 舉地降引為右一府統軍累功封鄂國公卒年七十
 四諡忠武 按敬德非介休令隋末時暫事武周守

此介休縣後公云我父陷逆地秦王實生之則知公
之心無日不思得明主其事武周如羈放耳舊志因
其人不可及列諸職官似覺未當今移入之
令狐楚字毅士宜州華原人德棻之裔也早歲第進士
太原節度鄭澹辟居幕府德宗喜文每省太原奏必
能辨楚所為稱譽不止元和十二年拜中書侍郎同
中書門下平章事卒謚曰文稱賢相今按回鑿寺宋
咸平五年碑記楚少時曾於綿山靜林書院攻苦數
年乃知能文固有自也

國朝

傅山字青主一字公他陽曲人生而隸異讀書十行并
下過目輒能成誦古今典籍靡不淹貫工詩善古文
書法得二王神理又工隸篆康熙戊午以鴻博薦授
內閣中書辭歸舊揮衣草履遨遊祁汾間至介書有
道先生無愧碑士大夫爭迎至室今猶寶其墨跡也

列女

唐魏列在國風朱子獨不翻漢唐註疏謂有淫奔之
 詩蓋以俗尚勤儉俟堂履卽之恩無自而生也介邑
 固唐魏舊壤葛藟蔓猶見遺風今
 國家宏獎人倫若矢柏舟吉榮棹楔凡在孀居靡不貞
 節自勵而或僻在窮簷表章未及則記載烏容已耶
 志列女

周

介母子之推推將隱母曰能如是乎與汝偕隱遂隱而
 死

晉

賈渾妻宗氏渾為介休令劉淵將高晞陷城死之宗氏
 有姿色晞欲納之宗氏罵曰屠販奴豈有害人之夫
 而欲加無禮於爾安乎何不從殺我因仰天大哭晞
 遂害之時年二十餘 按宗氏雖非介邑人而與賈
 公同殉社稷其節烈之先型乎因旅通志入之

明

文整妻李氏二十三歲夫亡守節撫子正統十一年旌
 羅維妻宋氏十八歲夫亡生子甫三月哀毀逾情堅志
 守節成化二十三年旌

宋彬妻羅氏二十一歲夫亡家貧紡績自給守節無玷

嘉靖七年旌

李廷保妻秦氏十八歲夫亡家貧勤紡績茹糟糠冰霜
 自持有諷之嫌者輒自殘其面年九十餘縣令史記
 事立碑表其里

郭朝妻羅氏二十三歲生一女夫久病謂氏曰爾年少

我死必度可嫁者氏泣曰吾不忍聞此言有死無二
 及夫病篤氏曰不可為矣遂自縊翌日夫亦死

王附學妻梁氏二十五歲夫亡孝事舅姑撫育孤子壽

九十五嘉靖四十二年旌

喬士恩妻鄭氏二十五歲夫亡撫育二子孝奉翁姑且
育無母之孫擢成諸生子孫繁衍壽七十八學使旌
其門曰彤史母儀

宋尚志妻文氏二十一歲夫亡守節撫孤天啓年間旌

郭宗妻王氏少艾惡少艷其色薄暮宗往暘間潛入逼

汚氏厲聲呼隣里惡少逸去夫還語以故曰我身雖

未辱誰與白者竟斃死巡按御史劉某撰碑表其墓

王唐妻鈕氏唐患癱症臥養十餘年氏衣不解帶侍奉

湯藥唐沒守節終身

王天福妻梁氏天福病瘡遍禱神廟乞與偕亡及夫歿

卽食杏仁死

王嘉璋鴻臚寺丞妻趙氏二十歲夫亡守節撫孤成諸生崇

正間制府梁公延棟旌其門曰節存宗祀。

張翼儒生妻閻氏幼通學廣論語內則年十五適張甲

申之變城中大震氏懇辱自斃死舊志曰翼孀兒婦
今依通志改正

國朝

郭天宜國學生妻張氏年十九夫亡姑瞽子幼事育之需

盡由紡績白首完貞康熙五十五年旌

張自昌妻南氏安福令崇模之祖母二十八歲夫亡一

子文湛親教之讀書為諸生事姑盡婦道夫兄二子

青嶼鈴嘗病亟時語氏於戶外曰鴉鈴外人家產量
給之餘盡便有也及夫兄卒悉以財歸其二子毫髮
無所私壽至九十餘乾隆元年旌

楊大義 生邑岸 妻楊氏二十七歲夫亡故以身殉翁姑勉

以撫孤乃止仰事俯育克盡孝慈後二子相繼亡遺

孫爾神教養成立為貢生乾隆十九年旌

宋璉妻溫氏十八歲夫亡孝於事姑凡事必稟而後行

一子教之入成均性仁厚親族多賴其周恤乾隆二

十二年旌

郭恒燕 生國學 妻張氏二十七歲夫亡矢志守節家頗豐

性樂施予所居鄰被水即造木筏渡至屋側日夕作

餅餌餉之水涸方止歲饑即命子鎮瑛出粟賑濟乾

隆二十二年旌

茹連科 生國學 妻梁氏年十七歸茹數載隣某乘間竊其

履誣之氏憤烈即投繯自盡乾隆二十三年旌

梁來正妻王氏二十八歲夫亡子浩甫七月有諷之嫁

者務面自誓事舅姑以孝訓浩成立為諸生壽八十

八乾隆二十四年旌

梁頌收 生貢 妻王氏二十六歲夫亡善事孀姑撫子御入

太學乾隆二十五年旌

梁世俊妻鄧氏世俊卒於崇正末年氏方二十五歲一
子僅三齡時流寇肆掠飢饉薦臻氏備歷艱辛得保
孤子成立守節六十八年壽九十三卒

劉讓繼妻張氏年十五適劉四載夫亡卽截髮自誓撫
孤翊聖成進士壽九十巡按御史白公尚登榜其門
曰媿美柏舟

茹英芳妻任氏二十七歲夫亡家貧苦節撫子壽終七
十四縣令李試旌其門曰松心筠節

僕慧功妻賈氏婚八月慧功卽商於外四載客死雲中
櫬旣歸氏卽飲毒未絕姑力救之曰無庸從夫就穴

足矣縣令趙端躬祭之并旌其門曰匪石貞心

左姓正妻孟氏歲貢生孟朝柱女姓正幼不慧家且貧
翁姑勸其適氏曰夫不才命也安可改節比夫亡
竭力事舅姑終天年氏壽至七十四縣令金一鳳以
柏舟自持旌之

喬十初妻江氏夫亡姑繼歿翁病癱氏親滌穢畱無難
色母董氏老疾無子迎翁養于母家晨夕侍翁與母
無二及母逝葬畢仍拜翁歸凡十有二年翁卒初十
初從兒死遺孤方幼氏區鞠之不令從母去稍長忽
迷與氏百計覓歸後已子父卽以爲嗣鄉黨賢之

孟光輝妻李氏十九歲夫亡生子國楨甫八月父母欲
奪其志氏引刀截指誓死不二有族喪視其產潛欲
取國楨害之氏百方護持卒以倖全壽登耄蓋縣令
金一鳳榜其門曰節操可風

董奕榮妻任氏與生員董奕茂妻宋氏妯娌也任十九
歲夫亡子振基在襁褓宋二十一歲夫亡子振聲亦
幼婆居同室事孀姑甚孝教子讀書皆為諸生壽俱
八十餘

王志會妻李氏二十二歲夫亡家貧二子皆幼氏紡績
事舅姑教二子後次子維基為邑廩膳生

張士芳妻岳氏二十九歲夫亡撫孤維安至長娶孟氏
未幾維安亦死孟氏依姑守節共甘茹荼岳年八十
一卒孟亦以壽終

李蕃妻董氏善死時子嗣沆尚幼氏矢志撫孤卒成功
名學使勵公宗萬旌之曰節著北堂

劉義元妻任氏年二十四夫喪舅姑皆七旬孤兒方在
抱家甚貧其兄逼之改適氏截髮自誓晝夜勤女紅
以易食孝慈兼盡壽終八十四

降甘霖增廣繼妻岳氏二十七歲守節壽終九十二學
使勵公宗萬榜其門曰幼節修齡孝子維基東熙甲

子鄉薦有名孫國學生與瑄娶婦李氏亦二十七
歲寡守貞教子長子仙或諸生次冲乾隆癸酉登賢
書社山東濟河令盡與祖姑若出一轍現年七十
張國泰妻三氏二十八歲國泰死子正冲甫五齡氏恩
死撫育冀其克家及長娶郭氏未舉子正冲亦死郭
依孀姑守節後以從孫光緒為嗣三壽終七十二郭
年亦至六十卒

梁埒妻劉氏年二十二夫亡撫子至長亦夭復撫孫成
立恩勤兩世卒年八十一

白應昭妻張氏應昭死氏方二十六歲守節撫孤賴延

宗祀壽八十二卒

郭正秀妻某氏年二十夫亡無子撫侄為嗣壽終八十
一學使廟公宗萬旌其門曰節孀燕門

郭天華妻陸氏二十三歲夫卒一子繼瑒氏柏舟自矢
孝事舅姑終天年氏亦以壽終知縣楊允和旌其門
曰節孝可風并立石以表其墓

李才棟妻段氏年二十九夫亡子中先方七歲矢志全
貞鞠子成立壽終八十三而中先事母亦以孝聞
文煥妻任氏十七歲歸文越十載而寡一子甫七齡貞
潔自持撫孤入太學壽七十九卒

馮大有妻黃氏大有亡氏年未三十姑已老子僅八齡氏事盡其至鄉黨咸稱其賢節壽終七十九

張國^生妻趙氏年二十二夫亡遺子正笏甫三歲氏

撫之授室生大磐大礪未幾正笏死撫兩孫成立而

兩孫亦早夭惟大礪遺二子復撫養之壽八旬卒學

使劉公於義旌其門曰義慈兼盡大礪妻孟氏二

十五歲而寡無子以大礪子有光為子有光夫婦俱

夭更撫三歲孫成立事祖姑亦以孝聞

董靖立妻王氏觀察使廷伊孫女幼通孝經四子書及

長歸董事姑以孝聞年二十九夫卒子紫甫二齡矢

志完貞子成誦卽口授經籍後紫有詩名入成均累

官安州知州守節四十八年壽躋七十七學使勵公

宗萬以松筠晚翠旌之

張秀妻趙氏二十九歲夫亡一子又中夭復撫孫成

立壽終八十八

任元卿妻殷氏年二十八夫喪子甫八齡育之成室又

先氏卒僅遺一孫仍撫視之壽九十卒

劉典文進士翊聖之子仕靈石司訓卽卒於官妻任氏

年二十五二子俱幼家世清寒氏勉力支持撫孤成

立卒成完節壽終古稀

郭殿元妻鈕氏殿元卒氏年二十五家貧以女教育其
 二子比長二子俱夭又育三孫成立壽終八十二
 馬洪瑄縣繼妻梁氏幼通經籍為婦知大義夫既亡守
 貞自矢子若孫以讀書起家多其訓迪壽七十三卒
 宋養品妻張氏年二十一未舉子夫即亡撫從子述聖
 為嗣孤苦自甘以完節稱於鄉黨卒年六十四
 武松國妻宋氏合齋僅十日夫即出遊終身不返氏雖
 飢寒交困毫無怨恨後撫從數化為嗣壽終九十二
 燕扶柱妻傅氏十八歲夫亡子廷珍方在抱撫孤守貞
 壽終八十六邑令王銍立石表其里從子廷璋妻韓

氏年二十二即孀居現年八十一邑令張鎮曾以柏
 節松齡旌之
 賈蓮玉妻鄭氏二十六歲喪夫守節撫孤壽終八十七
 汾州郡伯林公瑤旌其門曰節茂松筠
 武晃參妻李氏年十九晃參死一子在抱氏矢志撫孤
 教之入太學壽七十四卒
 宋居榮妻董氏居榮卒時氏年二十四二子尚幼氏撫
 之成立次子敷里復夭婦鄭氏年亦少即倚姑守貞
 董壽終七十三郭現年五十一門雙節鄉人稱之
 張學寬繼妻曹氏成婚不數月學寬即服賈山左聞三

戴客死氏年二十三未娶子甘心守節撫前室子如
 已出既後室復大僅遺一孫更親鞠之壽終七十七
 黃廷後附夏妻胡氏二十二歲夫亡守節撫二子成立
 煥米授州同知光采入武庫年五十卒
 郝玉琮妻楊氏年二十九喪夫育二子授室俱中折諸
 孫復賴撫養苦節凡五十九年壽八十八無疾而終
 文四雅妻宋氏年十九即寡一子映垣尚在襁褓隣婦
 有以改適諷者輒拒之茹苦守貞年五十一卒
 王慎奇妻趙氏二十八歲夫死撫二子成立壽八十六
 汾州郡伯賈公容恂旌其門曰操勁松筠

三憲武庫妻孟氏年二十六寡卒一子尚幼育之至長
 復夫乃立族孫永承為嗣飢饉查乘冰霜愈勵守節
 五十年壽七十六卒
 董靖宸妻龐氏二十二歲夫死夫疾亟時指六月孤兒
 杜曠氏曰以累汝氏泣曰誓勿忘茹苦守節訓育成
 諸生壽八十二學使勵公宗萬以守貞食菓旌之杜
 繼妻郭氏年十七即寡倚孀姑事之維謹視前氏子
 五教與已子如一鄉人莫不稱為賢孝
 郭啓秀妻趙氏年十九啓秀卒子生僅一歲氏苦節自
 甘上車舅姑得歡心下負遺孤成立壽八十五卒曾

元繩繩猶及見之邑令楊士銘旌之曰綿嶽松筠

羅慈妻溫氏年十五適羅生二子夫與翁相繼亡氏方

十六歲以弱質支兩喪備嘗艱苦撫二子成立壽七

十六縣令楊士銘旌其門曰鶴壽松貞

郭元瑜妻劉氏二十八歲而寡孝事舅姑撫子都唐入

太學壽八十三學使蔣公元益以拍舟雅操旌之

董殿卿妻羅氏年少夫亡遺二子俱幼辛勤撫育俱能

成立壽八十四邑令三鉉旌其門曰匪石貞心

楊桂宣妻馬氏年十八生子起需方一齡夫即卒即以

同穴自誓孝事舅姑撫孤成立授州同知壽六十三

卒里人榜其門曰繼美共姜

侯承恩繼妻羅氏年二十五夫亡子穀生二歲氏矢志

守貞撫前氏二子躬蒲無少異後躬成諸生蒲穀俱

能以服賈起家氏年五十七卒

郭如璋妻溫氏二十六歲喪夫子有倉方娠矢貞自守

紡績撫孤比於成立壽七十二卒

郝璵妻陶氏與卒氏年二十三二子俱幼家徒壁立以

紡織為撫育成俾成立壽終七十二守節凡五十年

李來翔生妻燕氏年二十二夫即逝子生僅一歲嫡庶

兩姑俱老而病氏生事終葬成盡禮撫孤成立壽七

十七年學使德公保旌其門曰苦節奇行

董志道妻李氏二十五歲志道亡子甫五齡家貧無資氏立志守節紡績撫孤或採蕨充腹至卒未嘗稱貸於人間黨賢之

張瓊妻賈氏年十七歸瓊次年卽寡無子撫侄續曾爲嗣數之成諸生年五十一卒

郝瑄妻張氏二十七歲夫亡無子兄弟勸之改適氏剪髮自天孝事舅姑撫侄爲子守節四十七年卒

趙淑昌妻孟氏幼事繼母甚孝年十七歸趙事病姑無怠色生子鴻儒甫五歲夫卽亡矢志守貞訓課鴻儒

入泮翁年九十餘髮曠旣甚奉養必得歡心壽七十二年卒

張謙妻董氏年二十七喪夫家甚貧姑苦撫七歲孤兒成立壽六十七以疾終

董繩蓮妻孟氏二十四歲夫亡一子尚幼姑爲繩蓮後母遇之少恩氏事之雅謹姑病奉湯藥晨夕弗離翁客外久泊歸手足皆不仁氏左右扶持者五年奉二喪咸盡禮年五十卒邑令宋允清以節孝雙旌全旌之

郭無伐生妻王氏年二十四無伐死一子傅尚幼氏撫

之成立入太學事姑亦以孝稱年五十四卒

張慄

管勾

妻宋氏二十九歲夫喪撫孤守節卒年五十

九

田大預妻王氏年十八夫亡一子在襁褓矢志撫孤事

姑甚敬鄉人莫不稱其節孝壽六十九卒

郝世藩

內閣中書

妻馬氏夫亡一子尚幼撫之入太學諸孫

多遊宦壽終七十二

梁質暗

增廣生

繼妻田氏二十八歲夫卒三子俱幼撫之

讀書皆成名壽七十一卒學使蔣公元益以瑤池水

雪旌之

陶大強

國學生

妻李氏大強死時子凌霞方三歲氏年亦

少甘必守節教子登武科壽六十卒

羅三祥

武庫生

繼妻郭氏二十二歲夫亡子銘生四歲撫

之成立授主簿職孫萬象登庚寅京兆榜餘亦多或

諸生年五十三卒

董啓才妻宋氏年二十二翁與夫相繼客死姑老子幼

氏一身措拄以孝慈稱壽終七十五

郭素位

庫生

妻孟氏素位以力學致劇病卒氏年二十二

撫孤成完貞壽七十四學使蔣公元益旌其門曰孝

貞懿範

賈鉉妻張氏年二十一夫死家貧僅遺一子未幾夫之

兄弟相繼死俱無子氏紡織撫孤至長恒誠之曰賈氏賴汝一線可不自立耶子養德亦能勤儉成家氏壽終八十一

趙東智妻南氏二十二歲夫卒子生纔三月舅姑俱告氏矢志守貞事畜兼盡壽六十三卒

三振儒妻宋氏結婚四載振儒死子寵未離襁褓撫之成立寵事母亦以孝聞母年五十四卒哀毀逾常三年不內寢

賈鐸妻王氏年十八卽寡無子以從子爲嗣事舅姑得歡心能忘無子之優鄉人莫不賢之壽終七十六

任成龍妻鄭氏十九歲夫亡子及期又殤夫之昆季讓析產氏謝曰孀居無子安用產爲依老姑卧起奉事惟謹潔白終身學使德公保以節孝儀型旌之

田多需妻劉氏年十八夫死無子矢貞白首撫侄樹績爲嗣祖姑尚在養之最孝操攜家事數十年以壽終

宋纘湯繼妻李氏年十九夫卒前氏子超與已子起俱幼一體撫之無厚薄皆能成立氏以壽終稱完節焉

張奇珍妻李氏二十三歲喪夫一子尚幼紡績度日守志不渝壽七十九邑令李壽彭旌其門曰貞節維風

趙錫徽妻冀氏年二十歲夫喪孝事舅姑撫一子成立

壽終古姑

羅法倫妻茹氏二十七歲夫亡子育彌月辛勤育之卒
能服勞起家壽八十七卒

胡聖諭妻吳氏年二十五喪夫娘方七月上有舅姑立

志守節彌月生子以女紅為事育年五十八卒

張永棋增廣妻郭氏二十四歲而寡無子從子梅生方

四月卽育為嗣守節以終卒年五十五

郭偉繼妻梁氏年十九卽寡撫前氏二子如已出守節

四十六載而卒

張崇斌妻范氏十九歲夫亡誓不再生竟絕食數日死

張世繩州妻孟氏世繩未壯而卒氏年二十方娘後數

月生位撫之成五官西城兵馬司吏目壽終六十一

馬爾琛妻李氏爾琛年二十八成進士卽卒子政甫一

歲家世清寒氏勤紡織教之成拔貢生又中庚寅副

軍守節三十七載壽終六十六

趙觀妻宋氏二十三歲夫歿子清瓊尚幼撫之成諸生

守節以老

楊東麗妻曹氏夫亡守節子封文娶婦左氏生孫起寶

甫七月亦寡姑婦相依共勵貞操鄉人稱為雙節曹

七十餘卒左氏年五十九守節已三十五年

任國三妻焦氏年二十四國五卒守貞育子壽七十卒
宋劉繼妻劉氏年十六歸宋次年生子忠誠而劉亡前
氏生子忠孝亦四齡撫之如一未幾舅姑相繼歿貧
無所莫氏匍匐親黨得畢喪葬至老不輟機杼壽終
七十二

師有妻王氏二十七歲夫亡二子俱幼家甚貧苦志
撫孤克成家業現年五十五

王寧妻穆氏夫死氏年二十二子生甫六月誓守貞
節越六載翁與繼姑相繼亡繼姑所生六子皆幼氏
咸撫之成立家固貧經營措拄數十年竟以勞瘁卒

宋考伊妻岳氏二十五歲喪夫一子在襁褓會卒撫育
迄於有成壽六十八卒守節四十三年

劉善落妻宋氏夫既亡一子橋尚幼喪殮亦多不給氏
朝夕織紵教子成立為太學生年五十五卒守節凡
二十八載

梁日映縣妻王氏與貢生日曜妻侯氏為妯娌日映死
無子以日曜次子向垣為嗣不數年日曜亦亡侯與
三相儆守貞以孝事姑以慈育子家範嚴肅雖富惟
樸素是數侯年六十四卒王現年六十五

劉在武妻郝氏中書君世藩之女年未三十而寡五子

俱切甘貧守節孝事舅姑課五子誦讀年五十三卒
今子馨元已食廩餼矣

孟仲考妻李氏合卺後仲頽即染疾翁復患癱症姑亦
病瘋氏竭力支持延醫療治竟先後卒三喪並舉艱
苦備嘗卒不易節以勤苦終

郝文實妻張氏二十七歲而夫亡家貧躬紡績以育孤
兒舅姑衰老奉養周至俱享遐齡卒喪葬有禮閭左
稱之氏壽終七十六

張運昇妻張氏既結婚數年夫病卧七載不復起翁已
客死繼姑復染瘧疾生事葬祭無強近可倚竭屢營

辨成稱禮守節撫孤三十五年壽六十四卒

侯文存妻郭氏年十六適侯侯不事生業氏苦諫冀其
悔過終不悛姑見子不肖時形憂怒氏反婉言勸慰
或終日餓絕無怨詞文存既死撫二子成立以節終
里人茂才李文炳立石表之

田大發妻李氏二十九歲而夫卒僅遺一子守節撫孤
現年十八歲

董印聰妻郭氏年二十五夫亡無子事舅姑以孝聞苦
節終身現年八十歲

趙祚慶妻曹氏年二十樣重死子生纔數月家貧如洗

氏冰霜自矢織紉撫孤克成完節現年七十七

王福魁妻段氏年十八即喪夫一子甫十月明年姑亦

亡夫弟福成僅四齡氏一體撫育朝饗夕殮皆出於

十指歲飢糟糠自咽至老猶勤儉如昔現年七十七

劉玉妻董氏二十一歲而寡一子在抱撫之成立於

分府攝邑事廉勤以松貞柏壽旌之現年八十一

郭元簡妻任氏二十六歲元簡卒無子撫侄為嗣紡績

養姑比隣咸稱其孝學政蔡公楊宗旌其門曰茹荼

啓後現年七十七

廉如棟妻王氏生子學頌甫十月而夫喪舅姑亦相繼

逝子立自持教子入成均縣令巫慧榜其門曰澄池

古雪現年七十四守節已五十五載

曹德清妻黃氏夫亡子幼勵志守貞撫孤成太學生現

年七十九守節已五十餘年

劉洪訓增廣妻張氏洪訓卒氏年二十八子光楷方三

歲矢志育孤既成誦卽延名師訓課督責不少假泊

光楷登賢書始曰庶幾可以慰吾夫矣治家嚴肅至

老奴僕猶罕見其面現年七十三

董登高妻宋氏二十四歲夫亡勤儉守貞撫孤成立族

黨賢之現年七十四

程會魁妻王氏夫卒氏年二十五撫二子成立姑老臥病辛勤奉養凡十四年以孝聞現年七十二

任漢豐妻龐氏二十二歲而寡撫再於子九貢爲嗣教之成立從姑某氏中年亦寡貧無所依卽迎而事之

如事姑然鄉人賢其行陳於學使蔣公元益旌之曰古井澄波現年七十三

胡賴妻任氏成婚二載賴服費於外卽客死子生彌月舅姑俱若家徒壁立以女紅供事育苦節五十餘載

現年七十一
文宏妻王氏年二十九夫亡一子繼絕甫六齡上奉

舅姑克盡誠敬晨夕課子比長成諸生有名學政李

公師中旌其門曰含章啓切現年七十二

任士魁妻劉氏二十二歲喪夫孝事舅姑恩撫切子守

貞以老現年七十一

郭瑞城妻張氏瑞成卒氏年二十六子鑑尚切訓之成

諸生娶婦喬氏二十八歲亦寡姑媳相倚守貞人稱

雙節張現年七十三嘗亦五十矣

便命職妻宋氏年十八一子未週夫卽死自甘守節茹

苦撫孤迄於成立學使景公樞以節媿松筠旌之現

年七十三孫郝亭已成諸生

趙廷翰繼妻燕氏二十一歲夫客死舅姑以年少諷其改適氏泣曰婦去高堂誰養且前婦一子尚幼何人鞠育自矢靡他孝慈兼至現年七十歲

郝正容妻李氏夫歿時年未三十無子以從子為嗣未幾復夫乃育從孫繼之辛勤守節以老現年七十五高涵銳妻武氏涵銳卒子世爵生才六月甘貧矢貞撫之成立現年七十苦節已四十八載

周德配妻王氏二十八歲而夫亡夫疾亟時以孤子托氏泣涕受囑茹苦終身稱完節現年七十王佩妻宋氏佩死氏年尚少子廷樞僅二齡誓死不二

守貞以老現年七十

侯正遠妻李氏生三子夫卒氏年二十九二子尋歿夫之兄嫂亦相繼亡僅遺二孤氏與已一子育之無少異或俾有成事姑最敬鄉人莫不賢之現年六十九薛寅洲妻孟氏結婚後生一子寅洲服費天津八年不歸而客死氏年二十九撫孤至長既授室復天喪僅遺一孫穉小零丁勞心鞠育俾延宗祀現年六十九溫正詩妻郭氏夫卒一子未幾忍死勵志既生子教養恩勤比長入太學有聲現年六十九守節已四十載武鎮妻侯氏幼通四子書讀內則年二十歸鎮生子濟

禮在抱鵲即死家貧遺孀歸依父母復強之改適氏
乘間投崖未殊絕父救之得甦遂毀面自矢子成誦
卽口授經書復以紡績資其就傅遂成諸生現年六
十七

侯晏州同妻宋氏晏客死江南氏年尚少撫二子成立

俱入成均現年六十六

郭建直妻劉氏十四歲于歸二十九歲夫亡守節撫孤

現年六十五

楊清龍妻任氏年二十五夫亡撫一子成立守志安貧

現年六十八

靳之璜妻宋氏年未三十夫卽亡事姑三十餘年無情

容訓子維淵入太學現年七十一

郭銓妻李氏二十八歲喪夫子如璿尚幼艱苦守貞訓

課如璿補弟子員食康饒現年七十邑入梁大司成

錫煥榜其門曰松操董慈

梁鴻熙妻董氏夫死氏年二十九子正倫歲未週撫之

成立仕江南崑山縣丞邑令張鎮旌之曰仇微隸報

現年六十九

曹澤溥妻黃氏夫亡家貧氏年尚少矢志守貞以女紅

育四子成立現年六十五歲

高生坊張三六生析卒子隆巖尚幼氏亦青年誓死守
節撫養成人方學現年六十六

仕日嚴妻李氏二十六歲夫亡二子俱幼撫之成立現
年六十五

高昇生國學妻劉氏年二十七喪夫無子撫侄上達為嗣
訓以義方既長授布政司參軍職現年六十八

三立朋妻李氏夫死氏年二十四遺孤五齡姑自雙誓
家貧為人縫紉得美食輒懷以奉姑並不令幼子見

恐分其甘也病侍湯藥晝夜扶持姑泣謝曰吾累孝
婦多矣比喪棺殮盡禮里人榜其門曰寒霜苦節現

年六十二

三指生國學妻石氏事姑甚孝年二十七夫卒撫子成立
入成均現年六十四

劉崇禮妻李氏二十三歲夫亡長子繼夫以十指事孀
姑育孺子舍辛守貞終始不渝現年七十歲

李昌年生庠繼妻任氏生子游三月而夫亡前氏一子游
亦幼守貞麻成撫育稚均後游成諸生游入國學現

年六十五歲

曹秀台妻岳氏夫喪氏年尚少家貧無子更無族子可

繼形單影隻以紡績自給費時祭奠必誠鄉黨憐其

節白於縣令黃有恒旌之曰純孝霜操現年六十六
張敬元國學妻趙氏二十七歲喪夫子仲西甫二齡自

矢柏舟教子登譽序學使呂公光亨以心如松柏旌
之現年六十二

趙恭妻溫氏年二十四夫卒一子尚幼家貧事姑甘旨
必潔訓子以義方至老不聞其言笑現年六十三

郭振州同妻梁氏夫亡無子撫侄為嗣現年六十一守
節已三十四年

范國海妻宋氏夫亡氏年二十五子僅五齡忍死撫孤
人稱完節現年六十三

王允持妻閻氏允持亡氏年甚少矢志靡他家貧紡績

辛勤撫孤成立現年六十四

馬淇拔貢妻郝氏夫亡青年守節撫子禮授府同知

現年六十三

常三元妻張氏三元仕獲南場武巡檢卒於任氏年二

十九守節終身撫子成立現年六十六

張繼印妻王氏二十九歲夫客死都門遺孤尚幼甘貧

守節事姑克盡婦道撫子至長鬻醫母命其扶父親

歸其三老勤儉自持不愧完節現年六十一

果沈武庫妻李氏歸家僅生三女年二十八夫亡苦志

蘇三女出嫁止從子士楚爲嗣現年六十一
文齊蓮妻梁氏年二十八夫卒子寒猶在抱育之登乾
隆三卯歲終現年六十二
任士淇妻李氏士淇登雍正乙卯武科卽卒子權生八
月氏正青年矢志撫孤守節終身現年六十二
黃瓊妻李氏子生甫一歲瓊客死氏聞訃慟哭三日卽
絕食故死其弟邦輝勸之撫孤乃收淚矢節晨又工
針黹積餘資運夫棺歸葬不意子復中折無可承祧
現年六旬苦節已三十餘年間中莫不憐之
田金蘭妻郭氏年十八夫客死遺腹生子撫之成立家

黃翁既老奉甘旨出十指鄉黨賢之現年六十
燕榮妻張氏榮聘氏後卽發狂疾比結痼病更甚未嘗
一食余氏旦則扶病夜則獨寢絕無怨言夫亡撫侄
爲嗣以糶粒自餬足不踰閭親黨罕觀其面蓋至老
仍處子也現年六十
郭恒烈生妻董氏二十四歲喪夫遺孤在抱茹苦守貞
垂白猶勤紡績現年六十
王履妻余氏履妻自誓寡亦貞氏年十六于歸逾歲
生一子履妻卽死姑諷之去氏曰夫有子卽夫未死
妾去爲長女諫女工守節終身現年五十九

燕賓

國學

妻賈氏年十七歸燕生一子而寡育之至長

不意中折遺腹孫繼塲撫侄為嗣則又塲舍酸自守

艱苦備嘗而其姑尚在事之勤於娣姒姑曰汝若人

也何勤如是對曰不幸夫早亡即竭力已不逮夫事

之半姑泣而謝之現年五十八歲

梁贊

國學

妻張氏年二十八一子履尚幼家

無長丁甘心守節撫履至長入成均現年五十八

李兆麟妻張氏兆麟年十九成武進士仕河南陝州守

備氏隨之任未幾兆麟歿於官氏年二十七一子尚

幼氏提孤扶櫬旋里守節終身現年五十八

郭元佐妻趙氏二十七歲元佐卒僅遺一子氏上事舅

姑下撫齔恩克成完節現年五十八

曹廷廣妻任氏初廷廣出繼伯父為子及廷廣死或憐

氏少且無子勸之改適氏曰翁姑以無嗣故繼子子

亡而婦復去心何忍焉後數年廷廣之兄卒生父亦

無嗣氏請兩舅姑共處事之終天年守節四十載尚

無可以繼者鄉黨咸敬且閔焉現年五十八

王立標妻某氏二十六歲夫卒遺子一舅姑皆老病氏

上供甘旨下勤鞠育里中皆稱其節孝現年五十八

侯起昌妻燕氏年十九夫卒無子以侄介孫為嗣謀之

讀書成譜生現年五十六

梁必生國學繼妻李氏年十八即寡必前妻子本樓甫士

歲氏撫之如已出鄉黨無為賢母現年五十五

宋五英妻喬氏五英卒時氏年二十三一子才數月廿

歲撫孤守苦節以老現年五十四

范楷生國學妻黃氏年二十五楷死一子幼而多病氏上

事舅姑下撫弱息終身不辭苦辛以節孝聞於里黨

現年五十四

董行妻張氏二十歲夫亡無子姑憐其少諷之改適氏

曰婦去姑誰事截髮自矢立從子詩發為嗣事姑以

孝聞現年五十四

王鴻俊妻劉氏夫死氏年二十一子四歲而孀隻影自

憐守志益勵晚年繼一孫以承嗣現年五十三

羅繼光妻郭氏二十三歲而夫亡無子家甚貧以紡績

供舅姑甘旨歲時伏臘享夫麥飯必痛哭以不能死

節為懷至老亦然聞者憐之現年五十三

趙世臣生國學妻楊氏年十九夫卒一子竣在抱矢志守

貞事舅姑甚孝撫子成諸生不意中大子然一身節

操愈勵學使蔡公揚乘遊其門曰井闌長翹現年五

十四

梁黃毅妻王氏黃毅死子道歲方週氏年二十四矢志

茹藥事姑終年育子成立現年五十五

侯天爵生國學妻王氏夫亡無子閉三載舅姑又相繼逝

復影自憐矢志靡忒現年五十四

汪得昇妻王氏年十六歸汪瑜歲生子夫即亡矢節撫

孤不意中折而翁姑尚在日以糲糲供甘旨已雖終

日不食無怨現年五十四守節之最苦者

馮拙儒生廉妻李氏事姑有賢譽年二十三產一子方數

月夫即死誓節撫孤貧窶不易其志現年五十二

董滄禮孔廟貢妻溫氏滄死氏二十五歲無子矢志守貞

事姑至孝鄉人稱為完節現年五十一

高顯榮妻任氏十九歲而寡遺腹生一子姑夏氏亦霜

也姑婦相倚矢節終身現年五十二

郭應熙生國學妻張氏年二十七夫死自矢守節善事舅

姑撫二子成立現年五十四

劉振基妻王氏年十九振基死一子思恭在襁抱冰霜

自勵撫之至長為遊擊將軍思恭復大二孫又賴抱

持現年五十一

降達春生廉妻文氏達春早歲卒氏年二十六舅姑俱老

子元霖甚切苦志守貞上事下育以孝慈稱巡鹽御

史那公 旌其門曰冰霜勁節現年五十五

梁恒年妻宋氏恒年亡氏二十六歲二子皆幼翁以哭
子兩目俱瞽氏左右調護朝夕勸慰翁目復明人以
為節孝所感現年五十歲

榮劍妻梁氏年十六于歸越二載夫客死天津無子撫
恆為嗣守節終身現年五十

段生成妻張氏年十八夫卒子光級甫一齡荼苦撫孤
比於成立現年五十歲

張大佩妻任氏大佩幼客四川氏年十六未成婚姑因
翁卒迎之服喪尋大佩歸以父喪不敢成禮且家貧

急於謀生逾三月仍赴四川未幾客死氏甘心守節
終始不渝事姑以孝稱張蘭分府李公納璧旌其門
曰孝篤貞全現年五十矣

郭秉儀妻文氏年十九卽寡子生一歲親黨欲奪其志
曰我已育子可接夫嗣誓不去事舅姑皆取給於十
指以孝聞現年五十

文率妻張氏率以攻苦致疾早卒氏年二十三一子映
榮尚幼撫之比長有以服贖勸者氏曰夫既賫志尚
可不使其善繼乎卒以機杼供就傳成諸生氏年
亦垂白矣

孟養仕妻梁氏年二十七夫亡無子截髮貞貞擇再從
子懷光爲嗣孝事翁姑內外無間官權張蘭分府孚
公蘭嘉旌其門曰天志冰霜

范清瀚妻溫氏清瀚善騎射謁選當得千戶未仕而卒
氏年二十二誓欲身殉父母勸之曰爾夫雖死爾妾
已舉子可延夫嗣矧妾已死爾若再死此子誰倚乃
漸進聰廉勤撫子如己出鄉人稱爲賢母

董源涵繼妻三氏州少府禮之女源涵仕山東曹儀通
判歿於任氏年二十未生子撫前氏二子一女無異
所生爲早婚嫁長子大夏已入成均一生苦節里黨

無間然

梁增妻楊氏朱氏楊婚數載未有子增授雲南會澤縣
尉以道遠置楊於室事舅姑既之仕復娶朱氏生子
女各一增卽卒於官朱之父母勸其改適朱曰梁氏
一機僅此遺孤若再適歸何以慰夫地下因齧鬻所
有提孤撫撫備歷險阻達於夫里楊氏見之相憐相
愛共矢貞白首焉鄉黨兩嘉之

郭泳易妻燕氏年二十泳易死子生甫八月守節撫養
聞四載子復孺育從子檢素爲嗣教之讀書今已成
諸生矣

董符妻張氏年十八歸董三月夫卽亡有諷之他適者
氏誓娶以示已志終身素服至老不忍易焉

汪義榮妻三氏義榮病癱無子姑既老家無尺寸可倚
氏乞食隣村先進姑次餉夫符飽而後敢食無餘終
日甘枵腹也田間遺穗不見其主未嘗一取鄉黨重
其孝亦不以丐婦褻之乾隆三十四年氏年已五十
餘其姑其夫尚在知縣王謀文聞之捐俸十金示獎
又每月給米三斗里中亦贖金六十兩俾之生息以
贖其養此氏不復丐也

介休縣志卷十終

梁聖明妻郭氏年十八適梁至二十九歲喪夫矢節終
身晨夕紡織撫四子成立乾隆三十四年知縣王謀
文榜其門曰節厲風霜

董成璘妻吉氏年二十七而寡翁姑垂暮貌孤在抱氏
自矢守貞奉事撫育克盡婦道現年六十有二郡司
馬德公以懷霜履雪旌其門

武舉李兆瀛妻梁氏年二十三夫故無出家誓甚氏勤
哭誓以死殉爲所親慰止撫便李如林嗣之現年四
十歲甘貧植節鄉黨賢之

真道策妻王氏年二十二夫亡夫疾劇時以母老子幼
恐氏不克奉養潛然淚下氏截髮自誓供甘旨待湯
藥終姑之年未嘗少有懈色撫子三公入戎均清貞
賢孝乎于閭里敦隆三十四年知縣王謀文詳請具
題旌表

藝術 附

小道必有可觀片長亦能見錄古人言之矣祝志載
介休多業醫醫能奪造化功固足見重于世而或一
藝成名或旁見餘技皆足徵邑人之肄業也庸可畧
諸

郭泰已見人物生平善天文精鑿鑿如觀乾象且司徒
三允王佐才其明驗也范蔚宗謂謝承作林宗傳類
卜相之書故大半刪去先生固不以一藝顯要亦見
其無不淹貫也

馬天來詳人物善畫竹石瀟灑可喜舊志稱其畫入神

品第雲卿雲漢皆善畫

武獻字大器明景泰時石澗里人性聰敏母久病時無
療者乃之抱腹巖研究內難諸書三年以脈訣未真
遠遊秦証得異人傳授治病按脈決死生若神遇危
証出巧思治之沉疴立起子惟真得其傳孫鳴岡更
知名趙郡伯召視婦疾雜數婦試之軫至最後婦人
曰餘都無病惟此婦新受胎耳問之果然郡人何三
泉患病自業醫不能療鳴岡曰汝臟腑弱曰坐藥室
中爲毒氣所侵故也飲甘草湯數盞立愈
溫徽知府廉之子官晉府司儀嫻於彈弓流賊寇城徽

發三彈中三賊之目賊駭解去又善琴棋書畫寫竹
尤工時人比之夏太常

王思忠太醫院吏目邑令史公記事之翁目忽盲召思
忠治之三日而愈

韓醫婦以醫術遊四方孝義明府周祐母患噎湯勺不
入口奄奄垂盡聞韓婦治噎有奇術僕馬迎至以花
椒煮水令屢漱之出一白石長三寸許六稜而未銳
隱隱紅紋如線納之口中令咽其液數以指摩搦咽
喉外用箸探吻喀喀然出一肉片卷之狀若虬龍蛇
涎動婦言咽人者其物高二一層喉一層心坎仍治

如前法復出一物隨呼麪茶食之三日而起贈以絹
綵及所乘馬馮馮取錢餘謝不受周明府爲刻石以志
之

梁御字宸翼國學生熟醫宗金鑑不拘泥古方但按脈
調劑無不立效邑中凡有危病必誠請求治起死回
生十常八九介邑固多醫士此其聲稱籍籍者歟邑
令胡相忠贈以匾曰道和元化

趙世雍國學生通各家法帖善大小篆邑中碑板多其
鐫刻而於圖章尤工但不肯輕易爲之曰吾不願以
一藝自見也

仙釋 附

仙釋爲虛無寂滅之教道其所道非我所謂道也顧
金人王母自漢以來多崇信之傳燈真誥之書且遍
天下二氏之說不能廢矣而介邑若志超子蘭已登
覺岸遊上清儒者苟無程朱之學其何力以勝之耶
故志之以見希聖希賢苟如二氏之專修無難也
伯子常介山人介之推旣奉文公歸國子常晨來呼推
曰何去矣遂相從仙去

王光則仙傳云介子推姓王名光晉人隱而無名悅趙
成子與遊旦見黃雀在門上晉公子重耳具之與出

奔外勞苦不辭及還介山伯子常晨來呼推曰可去矣推辭毋入山中從伯子常遊文公遣數千人以五車禮之不出後三十年見東海濱賣扇久之其知所在

梁誌通號達眩子元丙子間慕道西遊終秦之三泉觀或遇於長安灞橋與使客傳鱗後封烟霞無爲真人范榮字子蘭潤武里人明永樂甲午舉孝廉任江西興國令遺仙人張三半遺之詩曰鉄笛風吹破曉烟相逢又在十年前曾將物外無爲事訴與毫端不盡傳白髮垂纓君已老青雲得路我爲先世間舊景只如

此河不同歸一洞天遂棄官辟穀後邑人遇榮於京師榮與約終日飲邑人笑而去時成祖方物色三半不得知與子蘭友因遣使至邑訪之邑人云見子蘭於京邸遂與偕往子蘭曰我故知子之必復也相與傾倒頃之不知所往

空王僕其先俠之馮翊人居太原榆次縣源渴里俗姓田名志超方孩卽喜禮佛年十七父母爲擇娶避去遂祝髮遊五臺有老人謂曰子後當佛矣至介華嚴寺講經修行又遷縣西液鐘寺待入錦山遇斷崖不得渡忽有白鹿白兔前導遂君抱腹巖五龍出聽說

法後即圓寂於此有青衣童子奉古供舍利供養初
 喜太宗詔空王佛入長安不赴知必復召真目而化
 未幾駕至巖下知已入涅槃乃仰天祝曰願現佛光
 即於雲中見空王古佛金字牌因賜號建寺塑金容
 摩斯空王佛弟子太宗時長安亢旱占曰須問勝地高
 僧訪知空王戒行因遣使召之使者至則曰不須西
 去但拜喜侍者時摩斯方浙米以米汁向西灑之曰
 今日長安得雨矣使者果回雷足

銀空亦空王佛弟子

惠真靈巖寺僧焚修歷年深悟元術重摹古刹既竣詣

關請寺之額時僖宗方至自蜀即召問禪理稱旨賜
 回鑿寺名而歸

焦居士名豐上堡里人幼嗜浮屠中歲彌篤捐妻子登
 抱腹巖禮空王佛焚修數十年髮元面黠體愈寧健
 一日告寺僧曰吾夢絕塵虛當返天真歛衽端坐而
 逝時中統三年也關二十六載當至元丁亥啓龕視
 之顏色如生於是塑像供養於寺見焦居士真骨碣

閑雲俗姓溫介人也生於元末幼即慕佛教年二十祝
 髮與國寺後遊少室精修二十年遂悟禪宗明洪武
 間應召考選名僧置高第歸隱抱腹巖復主與國講

席忽一日謂眾曰吾世緣已畢將歸淨土遂作偈曰
浮生偶寄莫張羅百歲光陰一刹那富貴英雄風裡
燭功古氣勞水中波無常迅速忙如箭老病催煎急
似梭欲脫輪迴生死苦須當參見自彌陀說畢端坐
而逝時永樂二十二年孟冬也

見興國寺碑記

春谷俗姓張自幼祝髮於兩水村吉祥寺既長遍遊岳
山間元旨解悟於甘泉無相寺復歸故剎慶成三闡
其高行迺至郡城宮側構蘭若以居之朝夕問禪理
尊敬不懈一日辭王曰我欲去矣歸寺跌坐而化
明曉蒲郡僧戒行高潔楊襄毅公敬禮之遊棉上車錫

於史村淨土寺預知有兵革修寺墻屋完固隆慶元
年俺答果入寇肆掠縣境居民避入於此者凡千百
人得保無虞孝義廉訪使梁明翰撰記以志其德

介休縣志卷之十一

知介休縣事山陰王謀文纂脩

藝文一 制 楷 奏 疏 議 辨 書 啓 序

藝文者六藝之文也介之作著若文相國尚書孝經
解無為而治論真羽翼六經之文尚矣他如無愧碑
發潛德幽光繫文獻最重即不及此而記其山川形
諸歌咏亦必採入之以資辨証蓋志之所不及而文
及之文之所不及而詩及之非徒採輯鉛丹取悅耳
目也志藝文

漢文帝封宋昌詔

方大臣誅諸呂迎朕朕狐疑皆止朕唯中尉宋昌勸朕朕已得保宗廟已尊昌爲衛將軍其封昌爲壯武侯宋真宗追封介之推誥

惟神之生嘗以羈勒從晉侯行天下而不言祿晉人思之卒與其母隱死於深山而不顧可謂忠廉自信之士矣則其歿也宜爲明靈血食於其土守臣來告有禱必從庶民之德是不可以無報錫命侯爵神其享之宜特封潔惠侯

仁宗除文彥博判大名府制

朕惟將相之崇資是爲文武之極選隆其名器所以重朝廷列於蕃宣所以屏王室矧乃君昌之任必屬若成之人委擇則反敷告有位具官文彥博器閑而厚識粹而明學得其方通古今而知要才周於物適大小以惟宜自奮發於擊鼓早敷揚於中外君則參禪乎國論出則宣暢乎重威兩殿台司首當柄用賢愚式序舉百職以成修綱紀甚明黃萬幾而至悉自懇避鈞衡之任出司管鑰之嚴遠此逾時蔚然休問善言邦哲實簡予衷是用更其擁節之榮委以別京之重勁兵所宿是資總制之權雅俗惟淳蒸類撫綏之政於戲真國同體是爲股肱之度惟民具瞻方隆節尹之望願我舊德豈煩訓

辭往其欽哉抵服休命

賜除直臣文彦博讓恩命批荅

朕躬儉約以先人而生民未足憂勤以勵政而百職多
隳豈布德之不明抑任人之弗至是以燕君正慮先志
後占整屢易以爲煩念難知之可慎永惟商周之所記
至以享卜而求賢孰若用精神之公言從中郊之人望
卿以舊舊比嘗相予惟字量能寬以服人惟純誠故久
而益信勲德兼著可以重朝廷忠信不回可以臨大事
夫謀於其始而既審則果於必用而不疑汝其欽哉朕
命無易所讓宜不允仍斷末章

賜河陽三城節度使同中書門下平章事判河南

府文彦博加恩告勅詔

朕因孟冬之吉辰饗太宮而合食膺受神貺推行慶恩
眷惟同德之三方處居畧之任宜優異數少示眷懷既
敷告於外庭共往祇予休命

賜河陽三城節度使同中書門下平章事判河南

府文彦博辭加恩不允詔

朕屬者禦齊精誠篤見宗廟數神之既受福孔多推慶
賜以大行均中外而咸及矧我同德乃時舊臣惟體貌
之隆宜加於異數而褒優之意未稱於予表嘉讓節之

甚勤願或命之難止所讓宜不允故茲詔示想宜知悉
英宗賜樞密使守司空兼侍中文彥博不允手詔
首所奏伏覩詔書宰臣陳升之位臣之下者願寢異
思庶安孤跡事具悉卿翼亮三朝周旋二府國之耆舊
望實素隆升之任用尚新甫登宰席原其雅意必欲推
先是用斟酌禮文裁其宜稱發於朕志美取常規蓋以
褒異者或豈與例用爲此卿謙恭久著於此何嫌往安
乃君母逆朕命所乞宜不允

賜樞密使守司空檢校太師兼侍中文彥博乞退
不允手詔

省所具上表乞罷樞府事具悉卿器質方厚謀猷明審
憂公盡忠臨事能斷越自仁祖知卿美材入輔出著於
茲二紀再冠台席一總鴻樞事功蔚然治於黎庶任重
道遠卿實有焉朕負荷前烈夙宵危懼若涉大川必憑
舟楫卿當悉心致力以裨不逮而何嫌何疑遠求去位
封奏落至良用憮然撫覽再三殊失所望若成之德重
於典刑當體至懷安居厥職所請宜不允

加文彥博食邑實封制

門下雖天子必有尊所以嚴其上之訓惟聖人能饗帝
所以昭報本之誠朕抵紹丕基肇禎元祀禮文既備慶

賜誕敷眷惟心膺之巨幹是機衡之任共膺神貺宜處
象先具官文考博道茂國華才推人傑體忠厚以居德
壯識敏而奮庸弼亮三朝周旋二紀再司魁柄仍冠中
書代或臨戎則充渠折首東鈞調化則恭獻承風內外
海更望重彌劭矧在纂承之際親聞顧託之言委寄至
隆眷注爲重協贊威儀之舉克臻熙寧之成是用進美
號以褒功取闡田而增邑併伸異數式示優恩於戲慮
危於安所以綏萬國懷遠以義所以靖四夷益懋乃官
用副朕志可

神宗除文考博樞密使賜功臣制

天極環極上通帝位之紀神兵會府內嚴師律之謀朕
方垂講丕平進經常武雖天下無事思備禦之不敢忘
蓋王者有征觀安危之不敢忽適登髮侯資以輔予其
官文考博器闔而深材敏以濟早實賢人之業實膺聖
考之知以忠孝之名形家國之威節以文武之畧轉將
相之大猷肆纂命於重圖迺離憂於喪紀迨終哀戚甫
見儀刑屬疆事之方興煩師旋之載舉折衝境外方將
出憺於三靈收畫帳中曷若坐圖於廟勝宜長機廷之
務實符巖石之瞻於戲過餌北邊未厭貪驕之志再盟
西夏猶苞狂忽之圖終佇奇勳用極遠馭

除文彥博守司空依前樞密使加食邑實封制
朕昔嘗先王稽御羣品立謀立茲之老以經治於廟堂
古屬鴻禧之良以定策於惟懼朕有成績可勿衰乎具
官之商博風力肅明器貞恢傑臨至刻有轉圜之易定
大謀如執玉之堅遠事神文之朝已輝照於鼎路直言
聖考之遇文密勿於機廷肆涼昧之丕承會精神於羣
慮雖兵民之異本亦文武之文修未隆贊冊之恩曷懋
圖廣之舉其保宏父允釐華陽顧豈明分之私終繫老
成之助於戲有若闕夫尚建文王之彝罔俾阿衡以專
商家之美往薦爾烈永承於休

除郝質殿前都指揮使安武軍節度使加勳食邑
實封制

國家統御之勢大維持之業隆外倚四巖藩翰之臣中
謀萬夫貔虎之帥故委裘而羣情固聞受璫而三靈
趨鑿臨發政之辰首下放朝之命異位郝質性資莊厚
氣畧沉雄通玉帳之善經禮全行之正氣自昔先帝知
爲勁臣因其勤奮之名立在親信之地會綴衣之陳牖
提衛甲之環宮曾無夜警之譁自得剛牙之重紹帝符
於景祚渙邦號於前彛視秩冠於文昌徒節臨乎安武
加以總正使範敷封并旌曩世之勞以表師干之寵於

戲天之盛星象在羽林王之爪牙職於圻父蓋地嚴則
必資拱衛之內師象則猶賴訓齊之方柱堅壯圖思答
殊遇

除文彥博司徒判河南制

東國大鈞絕席廟堂之上經時常武運籌樽俎之間維
吾告成多所更踐懇辭幾務往殿近藩敷告於廷進疇
厥位具官文彥博器質宏偉智謀靖深遠事祖宗早登
丞弼周旋左右當四海之具瞻密勿樞機實萬邦之爲
憲肆予纘御屬在倚毗深惟注意之勤勉狗均勞之請
眷言耆舊宜所褒崇增秩上公衍封真賦光華故三揭

金吾之旌旄偃息名城狀陪京之異翰出入中外始終
顯榮於戲進而論道經邦則必告嘉猷於后選而承流
宣化則必下膏澤於民爾惟茲哉尚多受祉

哲宗除文彥博平章軍國重事制

師傳道之教訓先王所以迪厥官老臣重以典型天下
所以資其智迺瞻舊德時謂元勳謀合祖宗之心名載
鼎彝之器申放贊策播告外朝河東節度營內觀察處
置等使守大師開府儀同三司太原尹致仕上柱國潞
國公文彥博博學大儒而清明方嚴而信厚出則秉乎旄鉞
入則總戎鈞衡文武兼備其才莫險難致其力卑公之

聖四世三紀於茲傳說之總百官萬邦其又壽隆無富
 溢之累台感可身還之榮神明相其壽康人心想其風
 於是用還之輪道倚以經邦以節者之師臣謀議廟堂
 之上以天下之大老荆馭夷狄之情庶幾有為底於極
 治庶政多共申祈真討於戲曰聖惟賢起位文王之治
 周公已老區為孺子之師矧我書英無德前哲往宣一
 德用格多盤

賜太師平章軍國重事文彥博宰相呂公著自今
 後入朝凡有拜禮宜並時與免拜詔
 朕聞凡故以優賢著之典禮畫堂無下拜喜於春秋魏

太傅鍾繇以足疾求直就坐自發三公旨疾以為故事
 而唐司徒馬燧亦以老病自力對於廷英詔使毋拜今
 吾當老大臣四朝之舊德隆而望重任大而憂深者惟
 卿與公著而已方資其蓄應之告豈責以筋力之禮乎
 後入朝凡有拜禮宜並時免卿其專有為之報畧無益
 之儀毋或回辭以稱朕意

賜太師文彥博辭免不拜恩命允批荅
 朕優禮師傳遠掖齒之尊以亟拜為可畧古之道也卿
 謹最朝廷明君臣之分以不拜為未安禮之節也道並
 行而不停義可重而難移勉循所陳不忘嘉歎

賜太師文彥博乞致仕不許批荅

卿出入四世師表萬民無不於功自而有取於富貴其所以忘身殉國捨遠就勞者豈有求而然哉凡以先帝之恩生民之故也卿之在朝如玉在山如珠在淵光景下陳而草木自遂去就之際損益非輕昔西伯善養老而太公自至魯繆公無人子思之側而長者去之卿自為謀則善矣獨不為朝廷惜乎藥餌有間時遊廟堂家居之樂何以異此

賜太師文彥博乞致仕不許斷來章批荅

為君難為臣不易非吾推誠無疑不能起卿於安佚非

卿忘身殉國不能從我於艱難召用之初中外相慶播紳莫不競勸父老至於湯流中道而歸其義安在宜思一身之樂輕於社稷毋使庶人之議及於朝廷

賜太師文彥博乞致仕不允斷來章批荅

君子安身崇德如山嶽之鎮開物成務如江河之流若山嶽之鎮搖動不安江河之流行止自便則物將交病人亦何觀朕之望卿無以異此宜守不移之志以成可大之功

賜太師文彥博生日詔

陽月載臨剛辰協吉萬生元老昭亮四朝允為廊廟之

華豈獨聞門之慶往廣寵數永錫壽祺

賜太師平章軍國重事文彥博上第一表乞致仕

不許批荅

昔師尚父六十棄棹杖鉞猶未告老此諸葛元遜所以
屈張昭也而衛武公百年猶贊敬於國曰毋以我老而
捨我此左氏倚相所以誨申公也今卿壽考康寧而退
托衰病自引求去獨不念天下之士有知彼二子者議
其後乎姑安厥位以荅公論

賜太師文彥博上第二表乞致仕不允批荅

朕聞之咸王之政周公在前召公在後畢公在左史佚

在右四子拔而糴之目見正色耳聞正言一旦卽位天
下曠然未聞四子以老而求退亦未聞成王以老而聽
其去也朕雖不德猶庶幾成王之治卿雖老矣獨不能
以四子之心為心乎勉率輔朕無愧前人

除文彥博太師河東節度使致仕制

周公未嘗之嘗老亦居豐邑後晚雖彊食終不任事蓋
委寄之重初無間然而止足之風所不敢廢惟我書舊
歷事祖宗纘服之初復命以位雖師保之地優佚不煩
而邱葵之心朝夕以請布告在位俾聞高風太師平章
軍國重事上柱國洛國公文彥博克孝而忠尤文且武

其在師旅有方召之勳其在朝廷有崇環之業士民視
 其去就處其憂其歡言時更曰朝朝踏一節先皇帝慈
 勞以事既許其歸越予訪客之三凜有涉淵之志起之
 既老待以門或出入三年終始自德進而論道日聞典
 凱之言倚以折衝卒靖邊防之警亦成功而不處指莫
 異以求安勤請屢聞誠心莫奪顧瞻間并近在洛師郭
 氏有永巷之嚴裝公自將野之勝豈以警教之累久致
 形氣之勞貴極上公既無復加之勢秩分領全晉仍異
 久還之節旋增廣舊封益衍真食碑臺人臣之寵歸從
 父老之游於戲音聲不遐尚有就問之禮几杖以俟復
 俾壽而康

代文潞公謝太皇太后表

張來

稽首君命敢求免於刑誅惠養老臣不使勞其筋力仰
 睿思之從欬撫衷志以知榮伏惟太皇太后厚德無疆
 至仁在上神孫臨祭知保依之聖功多士充庭見肅雍
 之威德恩及草木喜同天人臣幸以餘齡獲逢盛旦雖
 蓬豆駿奔之事徒有心哉而禮樂大備之時為後死者
 豈不偶爾尚足矜榮

進尚書孝經解劄子

文秀博

臣伏以皇帝陛下問曰御選定問令講官講尚書之闕
之南暨張孝經圖出入觀覽可以見陛下祖述堯舜
重文武以重德要道治天下臣今輒於尚書譜篇中
斷錄十篇以考經諸章中節錄六章進上以備禁中清
問之時研求義味或時令講官節錄疏義進上上資聖
德稽古求治之意臣伏讀尚書序云孔子生於周末觀
史籍之煩文懼費之者不一遂乃討論墳典斷自唐虞
以下訖於周舉其宏綱撮其機要與謨訓誥之文凡百
篇所以恢宏三道示人主以軌範也帝王之制坦然明
白以其上古之書謂之尚書然則後代聖帝明王莫不

祖述堯舜為大訓恭以皇帝陛下聰明文思稽考古道日
御選英廷訪經義乃命講官講解尚書孜孜不倦所以
聖德日新比隆堯舜臣以叨侍經筵取於尚書三十二
篇采其曰於寶茲聖治宜於重複溫故者凡十篇錄進
篇別有後序所以發明本篇之大者所冀復於乙亥之
觀克典克之聖德蕩蕩難名而此篇極簡要亦仲尼
舉宏綱撮機要之理如篇之所載者克明峻德以親九
族平章百姓協和萬邦分命羲和典掌四時使民務農
利用厚生允釐百工庶績咸熙斯皆後世聖帝明王所
宜祖述而模範之臨文而三復之故摘其目以教之

垂典虞舜之德重華協帝故列於二典後世作者雖三
王之或不可及矣篇之所載命禹作司空而下至於四
岳十二牧官得其人庶績咸熙流致於二騶堯竄三首
遜鯀四凶人而天下咸服故曰舜有大功二十故所以
重華協帝大禹謨禹稷臯陶其事舜帝君臣同寅或
有一德故矢厥謨咸厥功曰兪曰都乃君倡臣和之美
其謨則有后克艱厥后臣克艱厥臣周遊於口罔淫於
樂任賢勿貳去邪勿疑罔哂百姓以從己之欲斯習上
下文微以成聖功舜禹之所以為聖帝明王以此 臯
陶謨臯陶曰克迪厥德謨明弼諧禹曰兪如何臯陶曰

都慎厥身修思永為舜禹言曰兪臯陶曰在知人在安
民知人則哲能官人安民則惠黎民懷之臣以舜禹之
時君臣謨謨之始恭維三所宜為法 益稷謀此篇所
載為我舜曰慎乃在位帝曰兪然禹言受其戒禹曰安
汝止惟幾惟康帝曰吁臣哉鄰哉鄰哉臣哉禹曰帝嘉
作歌曰元首叢脞股肱惰哉萬事隳哉帝拜曰兪臣
謂斯言可為深戒 伊訓篇云嗚呼先王肇修人紀從
諫弗弗先民時若君上克明為下克忠惟上帝不常作
善降之百祥作不善降之百殃臣以尹之斯言受其君
忠於國可謂至矣有臣如此時君固當尊禮其人信受

其訓 洪範天地之大法其類有九而敬用五事曰貌
言視聽思恭乃人君七當慎思之蓋人君言動則左右
史書之為法不可不慎也故臣以此篇五事為重一無
違此篇周公以戒成王曰君子所其無逸先知稼穡之
艱難文王不敢盤於遊田以庶拜惟正之供自今嗣王
其無淫於觀於逸於遊於田故成王服其訓戒乃為令
三三喜開元中作無逸圖置於禁中出入省覽以為龜
鑑臣亦嘗錄此篇為圖以進以助聖覽伏望曲留睿意
立政其勿以貪人其惟言士蓋有天下國家所切者任

人得賢則治非賢則亂 周官王曰若昔大猷制治於
未亂保邦於未危喜虞稽古建官惟百夏商官倍亦克
用又明三立政不惟其官惟其人又戒庶官欽乃攸司
慎乃出命以公滅私民其允懷推賢讓能庶官乃和不
和政靡舉能其官惟爾之能稱非其人惟爾不任成王
稽古建官為治之本後之帝王所宜詳慎 孝經圖臣
以官忝師保得傳邇英伏觀閣中有仁祖命學士蔡襄
所書孝經圖張於南壁以便觀覽有以見仁祖孝德在
躬推廣以及天下恭惟皇帝陛下天授聖德行在孝經
嘗聞命講官橫錄經義進於禁中臣伏望陛下日省而

時思之

請繼上奏封細陳事理疏

臣讀書史見白居易爲翰林學士曰事進諛諛語甚切
直憲宗不悅宰相李絳對曰居易所以不避死亡之誅
事無大小而必言者蓋賦性下拔擢耳陛下欲開諛諛
之路不宜阻居易之言憲宗曰卿言是也由是言多聽
納臣以居易被憲宗拔擢纔爲學士能盡忠極諫以報
遇恩而况臣菲才寒進孤立無黨獨蒙陛下誤聽特力
拔擢位至宰相犬馬之誠堅於報主然自得罪兩府已
逾二年畧無謀猷上裨神聖雖則日奉天顏常親黼座

所奏覆者率多冗細事務常程文書徒煩睿聽無益治
體以此爲宰相職業正所謂素歿尸祿獻獻小謹而已
豈陳平所謂宰相者上佐天子理陰陽順四時外鎮撫
四夷使卿大夫各得任其職之義乎苟喬杜如晦唐之
賢相太宗猶常責之曰公爲宰相當須開耳目求訪賢
哲有武藝謀畧才堪撫衆者任其邊事有經明德修立
性明悟者任其侍臣有明幹清懇處事公平者任以劇
務有學通古今識達政術者任以治人此乃宰相之裨
益也比聞聽受詞訟日不暇給安能助朕求賢哉斯言
之責誠爲至當臣每侍丹墀果聞德音常以求賢政治

為功務推誠納諫為至德至愚不能上副聖意而陛下
 至仁未忍以大義責臣而臣獨不內德於心乎臣復自
 念性本樸忠言多蹇拙幸得進對陛下天威凡所敷陳
 或未詳盡臣常觀喜堂如趙鼎奏章欲上疏論事其言
 曰竊願丹陛仰對宸嚴寒納易窮遠數難辯理詳則虛
 瀆頗甚言畢則利害不分竊聞貞觀開元之際宰相論
 事或自上書所冀獲盡情理時德宗嘉納之今臣之愚
 猶懼之忘此後有面陳口安頃刻之間或寒納有所未
 盡事理有所未周即欲繕上奏封緘陳理道上裨睿聖
 訪納之勤下盡微臣區區之蘊固不敢妄陳偏見亦不

乞區中不出惟冀聖慈特賜詳擇

進無為而治論

臣頃因奏事親聞德音謂古稱無為而治者必當先有
 為而致無為臣雖即時仰對曰虞舜垂衣而治者亦皆
 先有為而後無為誠如聖意退而伏思曰陛下有克舜
 求治之心而臣愚無重陶致君之術夙夜慚懼啓處不
 遑又以奏對之際寒納未周謹尋前典所述虞舜之德
 著於簡牘仰直覽觀庶幾愚忠上裨聖政仲尼曰無為
 而治者其舜也與夫何為哉恭已正南面而已先儒之
 解以讓任官得其人故無為而治考於虞書則舜之始

也流共工於幽州以其心狠貌恭足以感世也放驩兜於崇山以其施暴虐賊黨於工共也竄三苗於三危以其食胃食貨崇侈不寸也殛鯀於羽山以其頑嚚傲狠治水無功也四罪而天下咸服故所謂去邪不疑而罰當其罪也於是詢四岳以謀政治闢四門以求求賢明四目達四聰以廣視聽於天下命禹作司空以平水土棄爲后稷以播百穀契作司徒以敷五教皋陶作士以典五刑垂作共工益作朕虞伯夷作秩宗以典三禮夔典樂以教胥子龍作納言出納朕命惟允既命以官因戒敕之曰各恭其職乃能立天下之功然後三載考績

三書黜陟幽明嘉績咸熙故所謂任賢勿貳而官得其人也夫明四目達四聰去四凶命烹官其勤至矣得不謂之先有爲乎及夫庶績熙天下服垂衣裳正南面而已得不謂之後無爲乎臣究觀經史之載舜之至德也有大功二十舉十六相去四凶也十六相謂八元八凱稷契皋夔之倫去四凶則朝廷無奸邪之黨舉十六相則左右皆賢哲之輔如是而天下不治者未之有也故後世聖帝莫不勞於求賢而逸於政治考於求賢則先有爲也逸於政治則後無爲也恭以陛下紹祖宗之丕基行堯舜之至化黜邪惡使去四凶之志也求賢審官

舉十六指之意也然而一日萬務尚勞宵旰茲乃臣愚
不稱職之效也臣以為方今之務正在謹守祖宗之成
法使爵賞刑罰不失其當耳爵賞當則奸邪無功者不
敢僥倖而希進刑罰當則貴近有罪者不敢請求而苟
免細紀正而朝廷尊號令行而天下服如此則陛下高
拱無事之中而興實弊比隆而下規三代之盛矣

是錯論

臣讀漢史是錯之策云五帝神聖其臣莫能及故自親
事臣謂錯之言非謬類甚因試論之夫易之乾曰天道
也君道也坤曰地道也臣道也天地既位君臣之家著

矣君臣交濟邦家之治隆矣而錯乃云臣不及君故自
親事然則古之聖帝明王安用輔相而致治乎所謂三
帝者堯舜禹為聖之優故仲尼刑詩書則斷自唐虞為萬
世法二典之載堯則有命羲和為天地四時之官允釐
百工庶績成熙舜則命禹平水土稟為樞官契作司徒
稷陶作士垂為共工益為朕虞伯夷秩宗夢典樂龍納
言管選于象而後用共人各任以職且云舜曰汝諧慎
柬之臣也所以百工允釐熙帝之載如此則堯舜果自
親事乎仲尼曰舜何為哉瑞拱正南面而已錯所謂自
親事豈非乖謬乎若後之人君謂錯言為是乃以一身

一必兩耳兩目獨任自足以周天下之萬務豈不殆哉
 又將使與台自聖無復察適言好問之格仲尼云一言
 幾于喪邦者謂人莫已若則錯之言亦幾於茲平臣故
 著論類知以明之矣幾有所補益

三晉白賢議

明 呂 坤

承命查定三晉白賢表祀河東書院按史志在黃帝有
 若解州夙丘在唐虞有若稷山后稷在夏有若安邑關
 龍逢在商有若夏縣巫咸平陸傳說首陽伯夷叔齊在
 周有若平遙尹吉甫介休介子推晉陽羊舌肸董狐西
 河卜商在漢有若介休鄭泰太原王烈解州關羽在晉

有若晉陽郭琦在隋有若龍門王通在唐有若太原狄
 仁傑聞喜裴度在宋有若平陽孫復夏縣司馬光介休
 文彥博聞喜趙鼎在明有若河津薛遠夫周漢晉唐間
 茲土名賢亦象然間有班超智如士會奕秦而教撓史
 駢信如荀息事君而不明嫡庶友如鄧攸位高而頗孀
 權貴忠如霍光溺妻而不正大義王延之孝相劉聰柳
 宗元之材黨叔文至若祁奚宮之奇殷于木周犢之周
 黨溫嶠王績韓通輩雖有懿行不盡純粹故不與諸君
 子之列夫士論典正多崇官早行獎名抑實故馬融訓
 詰雖草殺李固猶祀孔廟尹煇正學雖賢如朱熹亦短

其政知以孔顏之學觀之從儒失之遠矣故今定祀惟
取六道不論言語俾學者知所趨向至若夷齊言節卜
商雖非斯上之直然更於斯吾於斯葬於斯魂魄存於
斯安知後來諸賢非四子之遺教也且今首陽西河平
遙區區小邦憑此四子與日月爭光不朽論三晉名賢
詎可遺諸至若君寶夏縣縣祀再祀書院亦宜蓋今書
院統晉首而設其志博矣猶天下皆祀孔顏曲阜不可
無二氏廟也管窺妄議望君子廣采諸史及土著耆英
去取定著實風化之大者也

介之推辨

俞汝為

甚哉晉文之請也余過綿山訪介之推遺事見山勢迴
代蜿蜒同遭數百里若與若堂若復若波而澗谷中水
雪齒齒入夏不消迺倚衡而歎曰焚何容易哉非豐茅
廣野可燎之原也非叢林聚薪可積之山也百澗之參
錯崖谷之委會推有伏而藏矣不然則遁而走矣縱不
愛身以博名高何忍抱其母投之烈焰中此非人情不
可信而史氏書之莫有矯其非者得非紀過有田焚火
有命且以祀時且以名邑遂據而不疑耶夫惟再據者
是以爲謫也夫推與晉文周旋患難一十九年至割股
以進豈不深自結納必於隱者窺晉文之素也故弗及

可以去矣去之惟恐不遺入山惟恐不深焉肯局曲一
 隅焉子相抱以待焚也且晉文之求推非本心也無解
 於懸書思以覆之耳豈不知亡者之必不返而故及之
 豈不知茲山之不可焚而故命之豈不知推之必不死
 而故張大之凡以塗人耳目非為推也當其時卑辭謝
 過厚其祿以詔之無弗至者怒而焚益其亡矣為推者
 果如是乎不然山既焚矣禁火為何骨已及矣封田美
 益何不錄推之後以介田之入祿之耶何不收毋子之
 禮以介田之封封之耶兩者無聞徒以虛詞宣命其哉
 晉文之請也山隸靈石有推之墓在余望之頽然一邱

耳郡志謂推心不能隱即隱矣無不可道之理辨以為
 非是然則可焚則可跡跡之不可得焚何容易也

三賢祠辨

國朝 王琦

介之仙臺有所謂好妨廟土人俎豆之維虔敬或昆虫
 殺稼父老走廟顧請即不為文吁好妨亦靈矣余偶經
 其地見門額有三賢字筆畫雖斷落尚可辨不禁憮然
 曰此田子方廟也胡為名實之相違如此乎按西河郡
 志載子方與卜子夏殿干木為流寓楫三賢想昔之慕
 義者建祠於茲歟抑三賢車轍所至與後人不襲徒以
 子方與好妨音相合而又冠以田遂置子夏干木不道

獨子方之名以訖顯乎廟像尚三其加冕而旒則後人
附會可對之之意其好妨奪子方之位抑子方竊好妨
之祀耶余不敢知獨念好妨臚諸祀族次先備矣亦何
地不可言哉而實運處此以興從之君子爭此數椽乎
且子方墓三高生不苟合當世豈其千百載後忽自毀
其操區區一祀之愛取非其有而腹是果中材猶將恥
焉敢謂子方其不吐乎然卒之享祀者果伊誰哉又誰
爲福民而利賴之哉蓋古之聖賢生有殊德死則以風
雲雨露之澤庇厥下民子方賢人不辜民之請爲之禱
父禦患俾弗嫉於強勝月克有年亦理之可信而特不

能自言其非好妨也民自愛擇父禦患之德以時舉祀
勿敢墜亦遂不知其子方也夫吾謂子方得祀於土宜
矣獨怪士大夫不祀而獨祀於農夫野老農夫野老又
不知其爲子方而士大夫又不辨其非將跪而祀之曰
好妨坐而受之則子方穀士女而降之康者子方頌神
功而矯舉之則又曰好妨人祀之非實神享之非名非
名則胃非實則濫濫與胃弗光祀典爲告鄉人曰先生
姓田名子方與卜子夏段干木皆魏文侯時人文侯深
敬之事著於春秋之際祀不可缺也名不可假也

回文相公謝服闋入觀書

東 歐陽修

右某啟伏承榮奉制恩顯膺寵典伏惟慶慰恭惟相公道兼文武功著鼎彙言行稽紳之表儀出入朝廷之輕重自執三清而下奪勉從制禮之難逾是彼徽章遂趨三節今主末觀方優體貌之隆前荷嘉謀即正弼諧之仕實繫士夫之素論豈惟朽拙之焉故敢謂謙揚特始論翰感銘之至忻忭交深

回文相公辭起復使相判河南書

伏承光奉制書起從宸攻未息駭望特辱貽函伏惟留守太師相公望重縉紳道高藁藁出處之際係中外之重輕張馳有宜兼將相之文武蔚為元老東在先朝雖

孝性之隆享守經而執禮而權時之制或以義而斷恩副聖君下席之恩見忠臣許國之急諒難違於同避幸勉屈於至情修方與蒼生同茲引領遠煩論俾極感懷

又回文相公服除遷侍中移判永興書

又修啟竊承顯奉制恩薦膺寵拜伏惟歡慶恭惟太師侍中器深宏建業茂經綸弛張文武之才出入將相之任而日者來觀是旒之遠喜聞履舄之聲從容話言同多仁者之利體貌耆哲是惟先帝之臣宜加異數之優以為一面之重雖方將於憂顯藉有素之威名然而慮

輕四支下足起橫於機臥坐制萬里理當根本於朝廷
卽期節制之在歸始慰士夫之素望過蒙謙挹曲示誨
言趨寶所必無由積威懷而後切

賀文參政啟

伏以元膺制命參秉國鈞爰揮令辰已諧禮上伏惟慶
慰恭以其人學通繁表識照幾先懿文爲大國之光華
偉望乃一時之柱石上心所東道符寶弼之祥輿頌載
喧文馮爲霖之望東膺龍數式副具瞻遠羣材運誠
衡之輕重調和元氣登至治於升平然後正台衮以代
天工列功勳而始廟器符爲元志以重熙朝某幸在陶

鑄惟知慶祚商秋式序歲物方成伏請上爲邦家精調
履膳

賀文相公拜相啟

伏審就降命書入持宰柄伏惟慶慰恭以某官際天蘊
識名世標才以文章甲賢科以忠義挺臣節華要之選
翱翔遶周素蘊內充所臨必最化行右蜀政貳中樞屬
邊寇之肆狂伏使威而殄滅暫形籌畧已取蕩平還若
廟堂副聖主仰成之意坐調鼎彝治羣生咸遂之和凡
被陶鑄皆知伏頌矧君庶列實倍常情

恩取序序

揚益川所居解舍好治亭榭其榜額皆制美名大爲遠
近所笑夫考憲命名者衆矣或卽其地號而著或因其
事實而無揭而書之斯用無愧苟異於是則徒豐其額
美其名必爲有識者之撫掌天聖庚午歲九月十日秀
博受命於榆次越明年春正月四日始到官邑之生齒
受戶口冊籍者五萬二千戶橋居而未業者不少焉河
東之邑斯最爲大曠官控訴定無虛日敏政者蒞之猶
悍典及顧子非男豈敢逸豫蓋夙夜而奉公者近三時
矣未窺園圃歲暮云暮適西成告登而邑中之園亭得
以觀覽縣令喪位之南舊有小園頽廢已甚乃築垣雜

草惟塗墍茲無變本而增華但踵故而加飾亦旣成室
必也命名可書者有三而思鳳是其一也詢於父老之
口竊以往圖之載皆曰荀浪嘗宰是邑治有善迹鳳集
其境後人思之乃用名鄉今縣南有荀政鄉焉愚謂賢
宰之迹未可遽泯因扁是亭曰思鳳所謂卽地號而著
因事實而稱者斯得之矣自時君是亭者誠能修荀公
之政政祥肅之集則後之人思之亦如荀之思荀公者
矣詩曰荀令吟琴地吁嗟集鳳兮想同桑雉擾應並棘
鸞樓承乏今無敢思賢古若樞戎來求舊址卽署改新
題不獨懷希曠聊將鑿刻難一閱植吏表芳躅愧攀蹟

明道二年五月四日

梁深山非水舟詩集序

謹錫珩字楚白

朝顧嗣立

介水梁子深山白水子少負雋才喜與當代賢豪長者
 遊而性抗爽中無城府人亦樂與之遊故相見輒傾倒
 余長夏在門深山不鄙同阻造訪甚勤出所著近詩一
 冊囑余刑定集中故官遺辭各極其變而尤長於近體
 懷古詠物之作君升之三四白章俊句時有似丁丑五
 溪諸公而一種嶷嶷落落個儻不羈之氣何酷似深山
 之性情也余因愛其為人而并愛其詩讀是集者復因
 愛其詩而思得見其人他日車馬所至相與把臂論文

唱酬往復詩篇日以富而交遊亦日以廣天下賢豪孰
 不願見深山而為之傾倒也

董愚亭半壁山房詩集序

董樂字也愚

朱一賢

往余與也愚同仕漁陽欽其人未嘗知其工於詩也文
 人嚴海珊吳樸存論詩輒以也愚冠三晉觀鞅掌風塵
 卒不得讀其章句卒壬歲余遭難太原也愚時以手筆
 相慰問其詩名更贈及晉中人士口獎西晉也愚策蹇
 數百里惓惓來視故文古道迫不能於今人中求儔匹
 旅邸過從也遇輒品隲百家縱譚名理原原本本知其
 履室於古者深昔沈約之譽王筠云自謝眺諸賢零落

生平意好都盡不謂疲暮晚逢於君嘗味其言而悲之
 豈非文章學問代難其人而得之匪暮之年七不易易
 乎也愚因出詩稿示余詩不主一體三喜七子無不供
 其驅使而以性情為根柢以詞調為枝葉故不規規摩
 古而與古俱化世之舞舞竿鼓逐鼓者不當望而愧沮
 哉也愚於人倫皆具至性而朋友之文尤篤茲在江淮
 燕翼間風猷政績所在皆可傳也愚固不藉詩章重而
 三晉得也愚詩章地以人重矣余見也愚有急輒呼無
 言不契命之論文者有如是之款曲乎也愚長余二歲
 疲暮文好誠非虛語又王筠為沈州潤所製率然嘗心

謂詩曰後世誰知子定吾文昔今也愚詩為余點讀竟
 後人為能知之燈下接毫_{不覺太息}

王田夫綴古草堂詩集序

謹佑字天孝

劉大魁

勝水三君天孚自愛其才氣而思與古之人為徒不屑
 為卑庸鄙惡之文以平時而求進惟詩歌是耽情發於
 聲聲成文而上與天曠者合非有受於人而忽自得之
 雖其窮居寂處蕭條一室而可以無慕于世俗之粉華
 矣余讀其詩猶其平生之履跡入巴蜀探我眉下三峽
 走金陵泛秦淮涉桃李之渡至於燕京上黃金臺晴宮
 闕之宏壯挈屐履披瀟蕭重蕭而果政計其所經行不啻萬

且則其胸中之所有稱是可知其為詩也巧而不整嚴
 而不濫齊而深澹澁而和平未見有世俗一切之語言
 模稜遺剩於其間三君其有道君子哉雖然古之道無
 所用於今為古之詩則宜為一世所不好為古之人則
 宜為一世所不容雖使王君足跡滿天下吾恐世之人
 未有能知君者抑君子求其在我而知與不知固不論
 耶余抵滬於世而好與當世之英賢相結孜孜焉汲汲
 焉如飢之求食如嗜飲之求而未得毫毛糶粟之材吾
 未嘗不與之交而王君者吾獨未之見顧自以為讀其
 詩而見與不見又可不論耶三君家介休為冀冀州之

其大河之東太岳中條之擎峙龍門呂梁之奪迅陶喜
 有虞夏后氏之所都仁人君子之顯於世史不絕書三
 君歸其杜門裹足益肆其力於古之人焉可也

任西郊愛餘書屋詩集序

韓大康字虞康

吳煥文

少陵詩有云文章有神交有道迥知古今來文章之交
 正不必在見面也卒未幾余客晉陽友人董也愚以任
 君虞康詩見示余評而歸之後君以詩贈余行茲復以
 愛餘書屋全集索序讀其詩有溫厚和平之致而無儉
 嗇褊急之風曩評不足以盡厥蘊蓋君胸次高遠遠蹈
 獨游故其發言抗論無纖毫虛滓氣余尤愛其五言如

秋風入定樹黃葉待人飛草枯寒帶露松老碧含烟雲
靈光殘雨林昏暮暮禽天濤初過雨竹暗欲浮烟暫擬
然亦出如秦系偏師直破堅城者也余向讀君詩止數
一首吟同拱璧以為是必擇其尤雅者而著之編中竊
全豹知八萬草山中光彩溢目則君之工力深體裁密
矣韓愈子曰夫射者殺矢擊鸞雖冥而空發未嘗不中
秋凜然而其能復其處終不為善射無常儀的也若君
之詩其有儀的哉余既感君神交之雅而復心折君詩
聊識數語以報之若云直前之序三都則愧未遑爾

梁深山非水舟詩集跋

三 佑

康熙戊戌佑奉先君子命走謁先生於白登山下時先
生方葺非水舟書屋或爐香茗椀日夕吟嘯其中佑每
從旁聆其精論由是得以竊知擊律嘗登北臺得句云
風吹千樹夕日落半山陰先生欣賞竊已往往誇其坐
入惜彼時佑年尚齠髻方銳志於剏學之學而未能悉
心以奉教也廿年以來佑既復落不偶亦頗留意風雅
與其嗣君文川朝夕唱酬以相切劘庶不負先生昔年
獎勵之雅而先生草木已拱則固已不復得見之矣使
其得見其欣賞而獎勵之當更何如也今文川將以非
水舟遺集鑲版壽世因題數語以志曠昔之感若夫先

生立身行事之大與其詩之所以然則當世賢士大夫
已言之矣其或不具論云

精山賦以身將隱焉
所大之為韻

宋廷魁

懿綿峯之獻齋獻齋兮偉名且之蜿蜒蕙壑吐霧丹巒染烟
披爽氣於巖厓青稜終古提寒光於山腹鸞墨中天猶
清嶽於往哲湘高標於昔賢人代茫茫攸其已而予懷
渺渺宛乎在焉粵惟介子義重從亡公子家難慷慨相
將七十二君之庭轍環幾遍一十九年之瘁荼苦共嘗
泉石已或領癖煙霞獨契膏肓作意叢榛巢許衣冠之
肆甘心石隱夢龍邱壑之場遐想失晉徒復國三鼎定

陳錫茅授土慶及從臣趙衰狐偃密戚懿親既紆朱紱
亦藉華烟誰念艱難之侶長留報主之身陰翥文之苑
苑兮使杜蘅之不春甘桃李之無言兮秋白放於既淪
爾其幽壑潛虬丹室隱鳳縱殷結想之懷朱嶠奇攻之
夢林中之卧已酣精上之田安用蹈高踪於東海差可
頡頏寄孤憤於汨羅伊堪伯仲九秋霄漢月想清輝五
夜長林風傳餘韻至今流嶽未泯遺蹟長垂靈嶽烟霞
恍覩裝風馬而如睹神林雲雨怵冷烟寒食以何時處
處清明光鎖鄰火年年上巳綠暗柔枝恨娉修之已渺
將釋屣以從之絕磴梯雲飛巖曠影百道流泉千盤高

嶺紺宇琳宮鬱嶽彪炳卷翹首大羣靈粉連鍊而接軫
松文敷血幾同剋股之痕拍動泓欬猶帶敬龍之嶺甘
守漢以爲真作治山之六隱頌如祥野洞府永照方古
之風非同徑獲然南於供山靈之唱也乃作歌曰山翠
嶺兮石續粉高人何處兮烟林氤氳懷古焉極兮視
遺文臨風一嘯兮晴嵐出雲

介休縣志卷十一終



